

Apolou Naetepegitor Eong Ediini Loerai Erionget

Jeffersonville, Indiana, U.S.A.

62-1111E

1 Eyalama, Onac Neville. Ipedorete yesi aiboikin. Nasodit ber apol lolo eong aswam kiton eong atwaniar anyaranareta nui pu nuka ikadekak. Ajaas icetunga luajaatar ijautenesio luetegelinikina kanu ailipakinio, luabeit eong airiamununor. Konye ice kotoma...ediopet kotoma kakesi, acamunit eong abala Billy ebe abunit ko Canada, aboisio aarei arai auni nuegelegela. Kwana, elomunito kesi toma ne, ijeni ijo, ido iboiete kesi kooterin ka otogoi lueperio ainyikokinit apak kere. Ido abuni eong alosit airiamun kede kes, ariamun kede kes ka alipakin kes eponito toma aiboisio kere anatar akwap kere, ka Asia, Europe ka nginiboisit kere. Nginipaaran, nakijaar oni ne, elomunenete itunga. Ejaas luedeparito akwatakanykape apapula, idarito...kanuka airiamun idiopediope, aso einakit esubit bala etiono. Konye itunga luedekas teni ido korono ejautene kanu ailipakinio, inyobo, atami eong airiamun kede ngul.

2 Eebo, kwape abu eong ajaar toma ngina kede atukos naka lumunon, kanu ainerun adio kede atukot naka lumunonoka kane okanisa, ajai ber isio airiamun idakikan idis kau. Ido kotoma apak kangin abu kenyaka eong kau nepetai esawa ediopet kede atutubet, ido ajaas itunga luabeit ajaut ne kotoma apak kangin kanu ailipakinio kotoma apak kangin. Aso, arai epedorete kesi itunga ngul luabeit ailipakinio, eebo, arai epedorete kesi abunore kwana kwape ebunio yenerami apiano, yenerai ngesi kere, ebuni kosodikosodi ainakin oni aruo naka "Ejai Emuron lokapolon ne kwana, Yesu loepodokinit." Kwana ngul luebeite ailipakinio, arai ipedorete yesi, arai imwaasi bo idi ejaas mam eong ajeni. Ido iraa yesi inacan aomit eong. Inacan, aanyu eong ican luipu kotoma akuanika obe. Abu Yesu kibwok kotoma akuaniKe, ican, tetere Nges eraun Ekapuron loibecokina, naarai Nges kwape Edeke eraun akuan tetere epedori aanyun ican. Apedori Ngesi apupun apipil naka ariebo. Ido ngin nges apolou abunio Ngesi aiswamaun alucet. Ido kotoma kana abu Ngesi iyakia Ekanisake ainyikokin Akeswam.

3 Ido ajaatar-ajaatar eong kede ayongio naepol kanuka aswam naka amukian, aijeng kaceda, luluismamaete kede ainakineta nuainaki kes Edeke kanu swam iceboro nejai akuan, aijeng ka alemanar ikel luamunaaros, kaceda. Esiyalamikit eong ngun. Konye edoluni apak naedapara akec-akeceijen, mam keskes ejenet nuswama. Ianyu? Ido aomit eong ebe, ijaatar do oni apedor nailosikina, kwape kijaatar kotoma akuan, arai kilot oni neejai emuron loka okal, aticepak-emuron loka okinga naka akwap, eceemuron loajokan arai loemojongit loitingit aica kosodi alosit aitorit misiri kuare, kanu adumun ijo, emuron kede ijo. ido arai ekurwokin nges ajenun, elosi ngesi neejai icetunganan yenikeikina mot adepar nges. Ijukari ngesi ijo neejai epirotit. Kosodi do kwana arai mam epirotit ejeni, eyalama eong-eong ebe ijaatar oni ece, Emuron lokapolon

Ido mam Nges ekurwokini, mam Lo ekurwokini, naarai erai Ngesi Ekasuban Elopet. Ido eswama Ngesi ewai kanuwok.

4 Kwana, korai ojai eong adiopedor naka aitangal kotomaka elopet aswam ngun, ti eong-eong abu ne kasodi aswam ngun. Ti eong eyalama noi aswam ngun. Konye, nuka apedor naka aitangal, emamei eong adio, emamei ecetunganan loejaatar apedor naka aitangal. Konye iyakiaritai oni, itei ijo, kama Kristo, ailipanakin lukadekak, Loadau atac elibooni kanuka apedor naka aitangal. Ianyu? Ido ibunit bon oni, kwape ajaar, aiwadik abalua naka acamakinio kotoma ngin, "Ido kere nuilipi ijo Papa kokiroriKa," ngin nges abalua naka acamakinio naengaara, "idiobore kere yenilipi ijo Papap kokiroriKa, eswamai eong ngin." Otukui aisumunet! Mam epedori akurwor. Ido kengaranak eong ikanacan ka anacan airimor akwap kere, atacakin elibooni lo...arai ainomunun anootin nu kotoma odula loka Isirigin loka Edeke, kotoma Aokot nuka Yesu Kristo. Ido apedonoros noi. Atacanaki duc Ngesi, ido naarai ejai ber sek elibooni, itei ijo. "Aponi Nges-Nges-Nges imusungai kanuka adikanaretawok, ikemacarin kitangaleunere oni." Itei ijo, edauna. Ido iyalama isio atibong na kanuka akusiyuun.

5 Acamunit eong ebe ajai Billy alimonokin eong ebe ebunit onac ediopet anyoun ko Canada arai nenice. Ido biai ngin erai abeit? Ijo onac lo Canada? Ido-ido aibo ilomunitor ijo, onac? [Kotemari onac ebe, "Agolitome naka Fort Wayne, ko Kendalville."-Ekewa.] Kendalville, Indiana, ko Fort Wayne. Abu eong adukokina Fort Wayne. Eitunit eong ejok. Ajaatar eong airiamuneneta nui pu okanisake Rediger. Aomit eong ijeni ijo nejai. Ido eitunit eong, kwape itelepat yenididi, eboie kakejen nuka Paul Rader, kokanisa loka Rediger, kwape ejaanakinan lodidi loesisiai. Erai ngesi etunganan lokaumokin, arai Onac Paul, ido kwape kwangin arai Onac Rediger da, ikilkiok luka aiyuun. Iyengete ikecetauon atibong na. ido kwana, kwape araar eong itelepat yenididi, atamit eong ainyikokin nuapotu kesi kojalakis, nuabu Yesu kojalakina Ekekanisa anatar erot kere.

6 Kwana, kede aiyuun kere najaatar eong, abunit eong ailipakin yes. Ido mam eong-eong abunit kede ejalijal. Mam oni ikoto adolokin ngin koipone kangol. Mam, mam ngin ejok. Ibunit oni, eyuunito ebe ilosi oni adumun nuilipit oni, itei ijo, ajenete ebe isumunikit Edeke. Ido ibunit oni kede aitogogonget kotoma otauonowok ebe abu Yesu koinak aisumunet, ido itamata yesi inacan aibwaikin aiyuunikus toma otem, iswamata kere nuipedorete, abunit eong aiperikin naka kede yesi atibong na. Ianyu?

Ido, kwana, kijaar oni etem lokapolon loenyaara airiamit akuj, ido kotoma otem kangol nges eperio Asubanitiwok, Okoku loka Edeke. Ianyu? Arai Asubanit ngin naeyii. Mam Edeke epedori agoliar Ngin

komam eyongakini Ngin, itei ijo, naarai erai Ngin Akekirot, "Lo Nges Okokuka, kiirasi Nges."

7 Abauni eong ailip Onac Neville, ekimatawok, arai epedori ngesi abunore ngaren kwana kede eong kwape kilosio. Akoto eong ekanisa kere...Dobodo ti korai lo orai onacekon, okilenikon, okokukon, papakon? Kiiitu ebe, erai loka icetunganan. Adolokis ber oni Edeke kede amunonutuwok kere nakijaar oni kwana kanuka inacan kalu.

Ketulurwoto akwesiwok.

Lokasianut Papa lokotoma Akuj, ijai isio ayangaun Akonyenekon kwana, kolutaari lokasianut, karaida kibwoi isio kosiep naka omeesa lo bao, kwape ajaar, kane kotoma akwap, konye ikeun akosiyuun kuju otem lokapolon loenoke kangina, nakeinanakina Yesu (asakat naeur Maa kakonyen nuka Edeke, Asubanit naka Aokot ko Kalvari) Loabu ipiko nginideka, ka ariebo, atwanare, okotwak, ka ates, kosodi ajarun bobo kosodi adokar toma Akuj, aibokin akan nakoteten naka Lokapolon. Ido ibuni ido, kanuka aiyuun, ekeunito akosijar kuju ngina toma asianut naka Edeke, alimun kotoma olutaari kalo, neejai Ekasuban lokapolon loka Akuj ka akwap ebe, "Kijaunai isio, Ejakait, kwape kilomuna isio toma Kokiror loka Ejakait Yesu."

8 Ejaas ikosinacan ne, ido ediopet kotoma kakesi elomunit kokuju ko Fort Wayne, kane kotoma obugai, ido loce elomunit cut anyoun ko Canada kokwap kane, kobua kanuka esawa loka amun. Erai kiding naka atwanare kede aijar, Ejakait. Ejaas ikiliok iarei ne, eroko edisiak, edeuna aijaanakin naepol kotomakec kanuKon. Ejakait, isirikaale iarei, Ikristayon luyuuunito Ijo. Ido enomu lokasurup arasasit, ido atiro epoison ngol loka arasasit nenice kotoma awatekec, ido abongutu kesi, akerutu adekis naka asianut naka Edeke, kanu ainerun, kanuka angaleu, tetere kes ebongorete ojje bobo, ikeetos ebuku, kolosete ojje. Apotu kesi aisimorikin ajoresio nuka ailip kasio, Ejakait. Ido ilosi isio airiamakin kede lokasurup.

Kokiror loka Yesu Kristo, alacakini eong kes. Icorakini isio ijo Kokiror loka Yesu Kristo, kojalak kes kolototo.

Eraas kesi isirikaale luka ejje. Ido, kwape Ekonibulesit, alosi eong ngaren kwana aidokokin akanin nejaas kesi, kede aiyuun, eyuunite ebe, "Etupanakinete aanyununeta nu ngul luyuuunete," abala Ejakait, ekosi Ekapolokiniton lokaumokin loka ejje, "Arai kidokokis akecekanin neejai yenedeka, engaleunete."

Eswamai eong nu Kokiror loka Yesu Kristo. Apedor naka adeka naeenit akuan naka onac kalo, kolacak nges, Kokiror loka Yesu Kristo.

9 Edeke lokapedor kere, Ekasuban loka Akuj ka akwap, Ekainakinan loka Aijar Namam Edaun, ka Ekainakinan loka nginiinakin net najokan, koyangau Akonirereng neejaas lu luisirereng isio. Ido iwadikatai kotoma Nuiwadikaere, ebe, "Arai kilimokis erongat lo ebe, 'Koukor,' komam ibuonokin kotaukon, konye iyuunite ebe nuilim ijo itodolikinok, idumuni ijo nuibala." Eyuunit eong ebe anyoutu akecedekasia kotoma awatekec. Kwana adaun alimun; kismama do. Amen.

Kokiror loka Ejakait Yesu eyuunit eong ebe ilacakinos yesi. Kokiror loka Yesu Kristo eyuunit eong yesi alacakin. Amen.

Ekanisa da iyuunit koipone kangol? [Kotemari atukos ebe, "Amen."-Ekewa.] Kismamaun do.

10 Kwana Edeke lokalaunan, biai epedorete ice kojaas luipudas aitunio kotoma ailip, ijo ipedori aikeun akonikan? Eebo, adolokis kwana oni Nges kwana kwape kidokonokinatar yesi akanin neejai idiopet kayenice kokinga kangina. "Etupanakinete aanyununeta nu ngul luyuuunete."

Edeke lokalaunan kakere, kotoma aiyuun iseseni isio Yesu, kiyuunit isio ebe ebwoi Ngesi kojai. Idarit Ngesi Akekirot. Ido abala Ngesi ebe, "Neejaas iarei ari iuni Kokirorika, ajai Eong akidingosikec." Kwana, Papa lokotoma Akuj, kotiro apedor naka Edeke Lokapedor kere itunga lu, Ejakait, kwape erucokiniata kesi akanin nepepe idiopet kayenice, adokonokin idiopet kayenice. Ayakian nakawasia naabu Ijo kolimok Ekanisa, "Etupanakinete aanyununeta nu ngul luyuuunete. Arai idokokisi lukadekak akecekanin, engaleunete." Isumunikit ijo ngin, ido iyuunit isio. Aso kwana adaun aswam ngin, ido iturit isio Ijo kanuka ngun, Kokiror loka Yesu Kristo. Amen.

Ido Kokiror loka Yesu Kristo kinyonyoik apedor naka Edeke itaabalun lu neejaas lukadekak ka luipudas. Ido kwape kijukarere ngul kinga kosodete adokonokin neejaas lukadekak, kitodolikin ebe engaleunete kesi. Isiomu isio kotoma Obaibuli ebe aponi koyanganarai kotoma akuan naka Paul, itaabalun, ka igoen; anyouneunete imoyon lukaronok kanejaas itunga, ido angaleunenete adekasenai. Ido, Papa, ijani isio ebe mam isio irai Paul lokalaunan, konye ijani isio ebe iroko Ijo irai Yesu. Ido ilipit isio ebe iinakina Ijo alipa na kanuka Aibusesikon. Amen.

11 Mam eong ajeni arai ejai...egwetakitai ateepon, arai mam. Biai egwetakina? Arai mam, akoto eong kes agwetakin ngun kotoma apak kana. Eyuunit eong ebe ejai apeesa naegwetakinere kuju. Kwana, amuno ebe mam eong abuni aiteteg yes atibong na. Ajai eong ageun atutubet naka esawa arai idakikan akaisauni ka lukany alingakin. Ido eong...erai aisisia naka Naesabiiti, ido aomit eong ebe aticepak ebe

tikiswamaun ejok korai tikikamai kateepun nuejaas otauka. Ido ijai oni akapanakin alomar toma a-ageunet natetet, ekanisa lokitetet, kere itetiak.

12 Ido kwana akoto eong aisiom ace kotoma Nuiwadikaere. Arai ikotosi yesi itunga aisiom kede eong, akoto eong asiomum kotoma Samuel Losodit, esula lo 8, ido ikoto eong oni egeun kede ekokoro lo 4 kiton lo 10; kasodi do, aiyuun apak, 19 kiton 20. Ido kijaar eong apapulai ka Nuiwadikaere ka aijuliraeta iwadikatai ne, ebe arai ejaas itunga kede akwara ka ekalamu, arai icebore, apapula, naikoto ijo aanyununa arai aiwadik ngun, ipedori ijo alemun kes, arai, ejaunos ejakait Maguire kede a-a-ateepu.

Akoto eong ateepeu na kitebeikinai neejaas ijaanakinak, ikanacan, ijaanakinak laupotu komisikisi eong erono, aitelekartinacan luka okanisan luka ediini. Ido luipu kere eraas lu idiinin.

13 Ido akakou naka akirot atibong na erai: Apolou Naetepegitor eong Ediini Loerai Erionget. Ido alosi kwana eong aisiom kanuka apetetai, arai aisiom Naiwadikaere, kanu aitarauun ngin cut Naiwadikatai, akoto eong aisiom kotoma Samuel Losodit 8:4-10, kosodi 19-20. Kanu ajanaanutuka naidedelei, amuno eong ebe nakibongoria ijo ore ebe ibuni ijo aiwadik ikokoron lu kosodi aisiom kes kacoit. Ido neejaas inacan luepote aipup ateepeu, amuno eong ebe mam yesi da kitobwounete ateepeu nakelimunere icebore aticepak yenimam ijo icamanara kede, konye ebe ibuni ijo amoi Edeke kotoma ngin, aanyun arai erai Naiwadikatai. Aomit eong iburao ngin kanewok ka neejai Aisiraret naka apak.

Eyuunit eong ikanisan kere ejaatar Ikristayon tomakec, ido abeit cut mam eong asurwokinit Ikristayon. Konye apolou naabu eong eswama nueswama eong, kasodi alimun nualim eong, erai kanuka aisinyikokinete naka Emoyo lokalaunan kotoma Akirot.

14 Kwana ber eong asiom kotoma Samuel Losodit, esula lo 8, ageun kede ekokoro lo 4, kasodi aisiom kiton 10, da, ber.

Kosodete imakio kere luka Isirael atukokin, kopotu Rama neajai Samuel.

Kolimokis nges atiar, koany odwekon da mam etupito ikoniponesio: aso oseikinai isio ekabaka atubonokin isio kwape katekerin kere.

Konye kitakadik akirot Samuel, naalimunioto ebe, koseikinai isio ekabaka atubonokin isio. Kilip Samuel mama ejai Ejakait.

Kotema Ejakait Samuel atiar, kopupok eporoto luka itunga ka akiro kere nukilimokinete: naarai mam kingerito ijo, konye kangeroto Eong, kenyek araut Ekabakakevc.

Kwape ejaatar aswamisio kere nueswamata ageun apak naetolomunia kes koMisiri aitodol lolo, kwape kajaliata Eong, ejaanakiniata icedekesio, kikonakis ijo kwangin.

Aso do kopupok ekeceporoto: konye kitejenikini kes kaitebeikin, itodikini da eipone ekabaka loeyai kes.

Kolimok Samuel itunga luelipitos nges ekabaka akiro kere nuka Ejakait.

Kwana ekokoro lo 19 ka 20 kanu agelokina.

Konye kongeroto itunga apupokin eporoto loka Samuel; kotemasi atiar, "Mam; konye kikoto ekabaka lokiyai isio;

Tetere kiputokin ka atekerin kere; tetere da ekosikabaka kitubonokini isio, kingarenikini da, ejie ijiisiokosi."

Kisirereng Edeke asiomio naka Akekirot. Kwana, kwape atukot naka Naesabiiti, akoto eong alimun ebe ikoto oni aitam araut lui-luipupokinit ejok kwape kipedoriakere Akirot.

15 Ido ijeni oni ebe-ebe icesawan elimunonio iboro, (kosodete icekanisan), luituguikinete icetunganan yenisianakinit koipone kalo itegelikina kede nua...nuejaas kesi aipup. Kwape nat, abu etunganan kalimok eong kapaaran kaya, loerai epaperoka iboie ejai kwape kwana, abu ngesi kotema, "Neabu ijo kotemara ebe, Onac Branham, aiyuun naepol kwape kana abu lem eong ajaatar tomakon, ido acamunit eong, nakibalar ijo ebe 'emamei Okatwak Namam Edaun,'" ebala ebe, "Akoto eong aibirun koicolongoka. Kasodi eong atemar, 'Abeit cut ibucarit etunganan.'" Kosodi bobo atemar, "Abu ijo koinak isio abwaa adaun aojau. Kosodi ijo atemar, 'ejai eipone ediopet bon loka Aijar Namam Edeun ido ebuni ngin kama ejai Edeke.'" Ido ngin nges imooto oni, itei oni.

16 Ido emamei Naiwadikaere naebala ebe ejai okatwak Lomam Edaun. Naarai Lomam Edaun emameete kede ageunet, mam da engetakin. Aso abala Ebaibuli ebe "iswamatai okatwak kanuka ajokit kede ikemalaikan," Aso mam erai Lomam Edaun. Ajai apak naamameor, ido ejaun apak naemameunor bobo. Konye epedorio kes aitisilaar kotoma kangina, kotoma akim ka acakuman, ka apanya nuka akim, adaun apak naepol noi, konye awasiake ebuni angetakin naarai mam otatwak eraI Namam Edaun. Arai ejai

okatwak Namam Edaun, ekoto bodo ijo kojaas kede Aijar Namam Edaun kanu ijo aijar kotoma okatwak Namam Edaun. Ido korai komam Edaun, ajai bodo sek ido ijai bodo ijo sek oktwak ido ibuni ijo ainyikokinit ajaut okatwak. Itei ijo, aso emamei ibore kwape kangin.

Aso ianyu ijo naerai Aijar Namam Edaun "emameotor ageunet arai esange." Ido ejai eipone ediopete bon loka Aijar Namam Edaun, ido erai neejai Edeke, elomunit kotoma akirot naka Ayonanin ebe Zoe, akepolou ebe, "Aijar naka Edeke Elopet." Ido nakiurunere oni irwan nakiareit kede Emoyo loka Edeke, iraun do oni Lumam Idaun kede Edeke, naarai kijaar oni atutubet naka Aijarake, naitarauni oni odwe ka adwe nejai Edeke, ikepolou ejai do oni Aijar Namam Edaun. Ido Aijar naejai tomawok, itonyuon Edeke akuan kede Aijar kotoma apak nakawasia, konye erai Emoyo loka Edeke loejai tomawok nges ejaruni, naarai erai Emoyo loka Kristo loajai toma Kristo, nges itikwemyuni awatewok kosodi aitajarun da, kede Nges, kanu aibokin toma-toma-toma Aibuses ka apugan kede Nges.

17 Kwana neejai akaou naka akirot, kwana, ajaun eong anatar ikar lu, ido abwo ekanisa lo. Karaida aponi enyonyoikin eong kotoma okanisa loka Baptist, arai Doctor Roy E. Davis, nepetai ikar akaisauni kau, kane ko Jeffersonville. Kwana abu eong, ageun apakio ngun, abu eong ajaun orionget ipak edit, ilapio idis, kiton nealomunia icebore yenimam arai Naiwadikaere kokanisa, kasodi eong alimokin nges ebe mam eong apedori alosit kede ngin. Ido kwangin aponi eong elipi "aswam ngun arai mam,"ido mam eong abu eswama. Aso arai ngin ibore idiopet yeneyuunit eong, ebe erai Edeke lo Akirot. Kasodi eong alimokin etunganan loarai e-esisianakinan lokapolon, "arai ipedori ijo aitodikin eong ngin kotoma Akirot naka Edeke!"

"Konye arai ebe," abu ngesi kotema ebe, "arai ngin aisianakinikosi."

Abu eong atema ebe, "Konye akoto eong ngin kolomunite kotoma Akirot, itei ijo, erai Edeke Akirot."

18 Ido mere naarai ebe mam eong alomunit orionget ebe nges etepegitor eong erionget, naarai eyalama eong neejaas ikanacan lueneratar eong lolo, luisukunyinikito eong nekec, aomit eong, nepetai aapikin nginidiini, aitelekaarit kotoma adokena nuka apolou naka Full Gospel, ka kotoma okanisan luce da luipu. Elipenenata eong ebunore okanisanakec kasodi alomar nekec, konye asalak eong abwoi bon, naarai ajanaanut najaatar eong, mam eong akoto aibwaikin ngin toma atukos naka itunga. Akoto eong abwaikin nuainiki eong Edeke, ailpanakin lukadekak, aisimedaikina idwe kere luka Edeke kotoma ngolirionget. Mam Nges kengisitor eong mam ailip, arai kanuka lo naarai ebe eraas luka mutan, etubokini Edeke etau loka etunganan.

19 Ido kwana, ageuna ber, apolou namam eong alomaritor tomakec ido enerenen eong aitepegit ngin erai, nasdodit, naarai mam eong eyuunit ebe erai Ekristayone loka erioget Loiwadikatai. Eyuunit eong ebe mama iwaddikatai. Ido ngin nges abuni eong aitam, atibong na, autaar kanuka asianut naka Edeke, atotogongoikin yes ebe mam iwadikatai, mam erai naibusakinit ajaut kede erionget.

kwana, aiboisit nasodit, inyarit oni ngol ebe "ediini." Akirot ebe ediini erai "arapiaret," erai akepolou ebe arapiar icebore. Kwana, Adam ajaatar ediini, konye nges cut elopet kaitebeikin nges abu kiswamau ngol, kama ejaas akwi nuka etiini, ido mam abu kopedo aswam. Abu kiswamau akecoa elopet kosodi aitam aismamaun eipone loka aiku, kanu adumun aitajario kotoma obore yeneswamat nges elopet, kosodi Edeke ainger ngun, anyoun kaneejai Adam kiton ainapeta nuka erionget lokawasia. Mam eraunar, ido kanuka asianut naka Edeke itogogongoori lolo oni kotoma Obaibulu. Arai ediini arapiaret. Abu Adam kiswamaik akekuan arapiaret kama ejaas akwi nuka etiini, abu kiswamau ngin, nges elopet, aitam aswam icebore nges elopet.

20 Konye epuda Edeke atwanare, alucet. Kwana, ejai atiaketai naelal kiding ediini ka aitajario, itei ijo, aitajario. Ediini erai arapiaret. Ianyu? Aitajario erai Aurio, ainakinet naka Edeke. Atajario erai Aurio, ainakinet naka Edeke, mam epedorio adumun kanuka idiotunganan arai adiotukot naka itunga. Erai itunganan idiopet nges eyangaun Edeke ainakinet na neke. Ido ainakineta nu nuka Aijar Namam Edaun esekikinit Edeke neejai nginidiopet eroko ber oni ejaunia kede akwap da, kwape ejaar kotoma Nuiwadikaere. Abala Ebaibuli ebe, kotoma Apukokinio, ebe lokasurup loka Kristo luabu toma akwap, abuni aingalaar kere luiboiete kotoma akwap, lumam ewadikatai ikecekiroria toma Otabo loka Imerekek loka Aijar eroko apetetait naka akwap. Ianyu? Edeke, kotoma aijeneke nuka oingaren abu koany yenapedori abunore ka yenimam apedori abunore, abu Kristo kobu kwap aismamaun erot kanuka ngul luapedorete abunore. Itei ijo, kojeni luce da.

21 Arai erai Ngesi Edeke, cut, ejai Nges araut loemamei ageunet ka esange. Ido arai Ngesi loemamei ageunet ka esange, mam Nges epedori araut loemamei ageunet ka esange komam erai lokapedor kere. Mam Nges epedori araut lokapedor kere komam erai loejai aiboisio kere. Mam Nges epedori araut loejai aiboisio kere komam erai loejeni kere. Aso, itei ijo, kere nuitaraunito Nges Edeke.

Aso, ajeni Ngesi awasia kotoma ageunet. Ajeni Nges yenapedori ka yenimam apedori, ido ajeni Nges ebe ejaas luipu luapedorete, aso abu Ngesi kijuk Kristo kanu ainakin alucet kanuka ngul luapedorete abunore. Kwana, emamei ibore yenipedori oni aswam yenejaatar ibore yenikamanara kede ngin. Abala

Yesu, "Kere luainaki Eong Papa," luainaki, akirot naka okau, "epote mamakang. Ido emamaei yenebuni mamakang dimikito kenyarau Papaka." Ianyu? Kwana, itei ijo, ejaas kere toma aijen naka Edeke.

22 Ibala ijo ebe Onac Branham, eong ajai toma?" Mam eong ajeni. Amuno eong ebe ajai eong. Iswamai oni awokoyuun kede amaran ka akurian ka amaran. Kwana, esekikinitai Ekanisa airiamun kede Edeke komamei ailimakinet arai asukokinet. Kwana, arai ijai oni toma Okanisa ngol, isekikintai do onii kede Ekanisa. Kwana ongcakin kede Akirot naka Edeke, ipedori do ijo aanyun eipone lokilwakiar oni.

Kwana, kwana, Ekristayone loka erionget mam epedori ainakin aitogogonget ngin. Mam. Ice kotoma kakesi abalas, "Kobua kolimo ebe Yesu nges Kristo kosodi aibatisaun kotoma okanisa." Iswamai ajokit da ibore ngipengin. Iyuunit, ngesi da elopet, ebe Yesu nges Kristo, ido emarani. itei ijo, Edolit ngin.

23 Mam Edeke icorakinit, kanenidio kotoma Naiwadikaere, kanu ediorionget ajaun. Emamai aiboisit kotoma Obaibuli kanuka ngun. Abu Adam ogeu ediopet ido abu kibiror.

Kosodi Nimurod aitam aiswamaun erionget. Arai irai ijo esisian akiro nukolo, ido kojoni ijo akiro nuka Obabulon, osiom eitabo loenyaritai Ababulonin aarei nuka Hislop (Hislop's Two Babylons), idumun ijo aica nakapolon naepol. Ebe, Nimrod, etunganan lo loka adiakar, abu ikama Babulon ka ikanisanake kere luka inacike, Arai aiboisio nuka osiep, naada arai aitupuset naka-naka Ekristayone loka aingal loka apak nakawasia, kosodi aiswamaun aiboisit adiopet naati kosodete luce ngul kere atacanakin...atacakin isirigin neejai ngol. Ido kotoma kangina abu ngesi kodukok etogo kosodi aitam aisiimorikin itunga nepepe, konye abu ibiror. Abu kibiror. Abu ngin iboror.

24 Kora, kotoma Aimario 16:1, arai ikoto ijo aisiom, abu Kora otam aswam ibore ngipengin. Abu nges kisimorik Ilebin nepepe, kosodi nges alemun e...icetunganan loajenara, etunganan lokapolon, etunganan lokalaunan, kosodi ngesi kede Datan aimorikikin nepepe kosodete atemar, "Mam edolit, etunganan ediopet atamit ajaut kjuwoko kere." Aso apotu do kesi otamata adumun erionget kogeunete nepepe, kosodete kesi abunore kakonyen nuka Musa ka Aron, luasekunit Edeke kanuka aswam, kosodete alimokin ngul ebe apotu kitopolooros bonik, ebe atukos kere alaunit, ido ajai kes apedor ai... Kotoma atukos naepol ejai ayuara, "erai abeit ebe, ebalas kesi kwangin. Mam ngin iswamai kede Ekristayone. Erai ngin kotoma ojje. Koany, atiaketai naati naitia nen.

Ipedori ijo elemun Naiwadikaere kosodi atemar, "Abu Yuda kolot kosodi amiadakin bon elopet," ido "kolot ijo iswama kwangin," arai ikoto ijo, konye mam itulwori ngin arau abeit.

25 Asekunit Edeke Musa ido asekit Edeke Aron, ido arai ngin Aisiraret naka apak. Ido mamace arai asubit esiep je bala ajok biai, arai naetegelikina kede aoomoo naka Edeke. Ido akoto oni acamakin apmoom naka Edeke koraun aoomoomowok. "Kojaun aoomoo naajai toma Kristo tomakon." Ido epukorit Ebaibuli aoomoo naka Kristo. Ka Eitabo kere loka Apukokinio, enyaritai ibore yenemudiara Edeke apedorosio nueyaito, nges Apukokinio naka Yesu Kristo. Ido iseseni ijo eipone lokitoronitor Ngesi ibore ngin, eipone loeyangara Ngesi ngol esiep ediopet, ido ibuni oni adolokin ngin akaulo mot. Eebo.

26 Eyuunit eong alosikinit Kora nuajokuka kotoma aswamisioitike. Eyuunit eong ebe mam-mam etunganan ngol apeleikinit aswam nueroko. Acamunit eong ebe arai amamus aijen naka etunganan lomam abu koany akan naka Edeke elosi kotomsa Nuiwadikaere, ido ngin nges apolou ainakini nges eyangauni ngin aomisio.

Ido erai ngin nepetai akaisakanykaongon kanginikwatat naka ationis naka lolo, ebe itamit oni aitolominikin aomisiowok ainapeta nuka Edeke. Ido mam ebeit oni aoomoo, cut. Eoomooi Ngesi kanuwwok. Ibusakinit oni apalikin aoomoomowk nejai Akekot. Imisiikisi yesi kwana?

Kora, kede apaleikinet naajokan, abu irimo kede aisisianakin naka aingal, elimonokini inacan lu, ido kitodianikini kes apolou, ebe mam Edeke esirerengit Musa bon, enabi, ekiyasia, ido esirerengit ngesi bon, konye, "Esipan kere alaunit," abala nesi ebe, "ido kwana esipan kere ejaatar apedor aswam nu, ido ejaatar esipan kere apedori aswam ngun." Aso apotu do kesi kodumutu etunganan lokajokan, Ilebin. Kwana, erai ngin asekit naka Edeke, luenyarao ti lolo ebe "ijaanakinak," Ilebin araas ijaanakinak luka oyekalu. Biai mam Musa abu kisiboik kes kanuka ngun? Ido, kane, mam nges abu kolosik ngin kede ama-... amamus aiyapaara. Abu ngesi kolimok ngul alemun aisupuruneta, kosodete aibwaikin akim nakalaunan kujuke, kosodete aibwaikin lusupurununo kujuke, kosodete aijang lusupurununo lukakalaunan, naarai aicorakinet naka Edeke. Kosodete abunore kosodete aiswamaun atukos naka ikiliok kanu ayait ekanisa, naecorakinitor Edeke etunganan ediopet aswam ngun.

27 Ido, nakeswamata kesi ngun, abu Musa ibirokin kwape abuburia naarai ajeni ngesi ebe eyakikinit Edeke nges aswam aswam ngin. Kosodi Edeke atemar ebe, "Koinak kes koyangautu Lusupurununo ngul lailo ngaren naka ewema." Ido kwangin nakegeuniata aijang lusupurunocek luileleba akim, kosodi ojai euria alosit, abu Edeke kolimok Musa ka Aaron ebe, "Kotikaros kamakec! Kolomutu kotomakec!" Naarai, ekaulo abu Ngesi konyara ngul ebe "ikadiakanarak, lumam iyuunito."

Ido adiakar nges amamus aiyuun Akirot naka Edeke. Ikokoi ijo naarai mam ijo iyuunit. Ingalai ijo

naarai mam ijo iyuunit. Iswamai ijo adoteu naarai mam ijo iyuunit. Korai ijo orai eyuunan, mam ti ijo iswam iboro kwape kangul. Ejaas inapen iarei bon, kes arai aiyuun arai mam amamus aiyuun, iyait ijo adiopet arai nace.

Kwana, kotoma ageunet, arai Edeke Akirot, ido abu Ngesi koraun akuan kiboiororoi kamawok. Arai Ngesi Akirot, erai Ngesi Akirot! Ido kibokin Edeke tomakon, erai Akirot naka Edeke iboie kotomakon, neipedoria ijo abongokin nginibore kere yenelimuni Ngesi kede "Amen." Edeke ngol iboie kotomakon.

28 Kwana arai kimisiik ijo, etunganan lo loamamei ibore yenajeni kede asupuruneta kotoma akanike, akim nakalaunan kakanike, abu Edeke onгаа akwap kosodi ailikor kes, kosodi aitiakar kes kaneesai Musa naarai abu Musa kotiakar kanejaas kesi. Kosodi Musa aikwenyar esipan, "Mam ibolianaros kede eipone atukos bala kwape kangin. Ikunyasi awai kamakec!" Kwana, ijenete yesi Nuiwadikaere, kosiom esulai 16, 17, 18, ido idumuni ijo ngun, "Kotiakaros kanejaas ikadiakanarak lu, ikadiakanarak lumam iyuunito. Kolomutu kinga kotomakec, naarai ejaas kesi alosit toma amudiario, kede nginibore kere yenejaatar kesi." Ido neabu... akwap kongaaror kosodi aibiror kede ikiliok lu luadakito akim na nakalaunan. Itunga luemamei ibore yenajenete ingalangalaete itunga.

Kwape kwangin lolo da! Ipu itunga luemamei ibore yenejenete luibironokinos atacit naka einono, kodakito Akirot Nakalaunan kakanike, ido koomite ebe ejai alimonokin kotomake. Abu eong aanyu asubakinet etakanuni koreet loka ejaanakinan esawa ngopengol, ejaanakinan loka Methodist, arai ngesi ejaanakinan loka Methodist kiton akuar naka Naesabiiti natubor. Ido neangoliara ngesi, aomit eong eyangaikini ijo nginibore, onac, kanu ajaut kinga.

29 Kwana, itei ijo, aisupuruneta, akim enoki neeur ma kakonyen nuka Edeke, ido akanin ngun nuedakito iboro ngul, apotu komudiaros kede nusupuruno kakaninikec, naarai atamito kesi aswam icebore kotoma alosikineta nukajokak, konye keraka, okolokina kede Akirot naka Edeke, atamit aiswamaun erionget. Ebalas, "Iomiara yesi noi. Ingaibodo ijo kanu atemar ebe ijaatar ijo Akirot kere naka Edeke?"

Abu kokurwok kes aanyun ebe arai Musa e-ekiyakia loka apak. Itei ijo, ajaatar ngesi EBALA EJAKAIT KWANATA. Amamei itunganan kotoma akwap yenapotosi kede nges. Ajaatar ngesi Aisiraret, ido abu komen itunga aanyun Ngin. Ido ajaatar Musa cut bec kede EBALA EJAKAIT KWANATA. Abeit cut. Eebo.

30 Kwana idumuni oni ibore ngipengin lolo, itunga lukajokak, itunga lukaumokin, itunga luketiai etamito alimonokin Akirot naka Edeke (kotoma akaninikec) kotoma otalece loiswamaunit etunganan. Atubun kalilo, kosodi atubun kalije, kosodi aitarau ngin na, kosodi "kobua kolom okanisa ijulak emeebanekon," kosodete atwakare komoyo kede Akirot ngin kotoma akaninikec! Ianyu?

Mam kes apedorete aiyuun ekiyakia loka Edeke arai Akeisiraret naka apak. Mam apedorete amisiikin ibore yenimam Edeke lokapolon apedoria aswamanar kede atukos kere naka itunga, kosodi bon aibwaikin ngin nejai etunganan ediopet.

Imwaas ai kotoma kakesi enerata lolo, "Inyobodo ibuni aswam Onac Branham? Ijeni isio ebe idolit ijo, konye inyobodo iswamai isio? Irengeari isio erionget kinga, emammeun isio aiboisit naebeit alosit." Etitim eong kes; konye ejai Aiboisit. Ibalas yesi ebe, "Eebo, iari isio etengei kiton atwakare."

Abala Daudi ebe, "Adite kolo eong, konye kwana amojong eong, konye eringa eanyuna ikadoliton ejalakinitai, karaida akeur ilipilipitoi inyamati."

31 Erai ngin cut bec apolou naapotu kesi kongerotor Yesu. Epucara kesi kotoma odiinikec, ka isasodit lukalaunak ka adukena nukalaunak, ka ikanisan lukalaunak ka iyekalun lukalaunak, abu kokurwok aanyun Edeke kotoma Oyekaluke loka akuan. "Ijo, kwape etunganan, inyaraikina bon ebe Edeke." Itei ijo, amukoro kesi kotoma ngin! Emukoro itunga ebe adolit Datan ka ngul. Emukoro Nimrod ebe ebuni ngesi aiswamaun icebore yenabuni ayangar itunga ailam anyunyura naka Edeke. Ajeni Adam ejok cut ebe arai erapia ngesi amujalalake mam Edeke epedori aanyun ngin. Mam ijo ipedori airap ngin, ekoto Edeke nges erapiari ngin. Ianyu? Ianyu? Ainapetai naka Edeke nges erapiari ngin, mere nakon. Erai duc koipone kangol, ekurwokin kes aanyun Yesu kotoma Oyekaluke, Edeke itodiara kotoma akuan.

Lolo einakini eong aisub bala apupi erono neanyunia eong ebe atubutuboto inonosio Akiro nuka Obaibuli. Kosodete itunga lumunon luebwoete kangina kosodete aiarar Akirot ngin, ido ejenete kesi ebe erai Ngin Abeit, konye ekuriaka kesi aikunyakini, naarai isisianakini einonokec kes koipone kalo itegelikina. Kilotasi amoti ka asopurian, kosodete, inacan, kolototo ngaren. Konye kanukosi, ka kanuka kede ekakal, kiyangari Kristo, Akirot. Ianyu?

32 Alemutu ber oni Yokana 3 ipak edit, Nikodemo, lokapolon ido ekesisianakinan loka ediini lokapolon loanyaritari Sanhedrin. Apotu kesi kimorikikinos nepepe, kosodete kesi aiswamaun ikecetalesio. Ediopet loka Iparisayon ka loka Isadukayon, ido ajaatar kesi ekecediini apakio ngun, akecetiakatiakaeta, ido kwangin apotu kesi...Arai etunganan lo lokapolon, ekesisianakinan loka Sanhedrin, etunganan lokaumokin kotoma aisianakin. Ajeni Nuiwadikaere, aomit ngesi. Ajeni ngesi ngin kanuka einono, kitarau acorakineta nuka Edeke nuemamei ameda?"

Itei ijo, kanuka ikecenonosio! Inyobo ngin? Aibwaikin akecejulunet nejai Akirot, aiboisit naka ajalakin Ngin kanuke. Nuebala Ngin. Ebalas kesi ebe mam Ngin epeleikinit na. Ijo imisiikit ebe eporoto ngopengol loabu ajokit itwasam nejai Keba, kanu ageun erionget losodit, itei ijo. "Abeit cut ebuni ajaun kwana. Mam Edeke epedori aswam ngun, ijeni ijo." Itei ijo erai ibore ngipengin. Erai ibore ngipengin lolo.

33 Kwana ianyuni oni ebe, abu ekesisianakinan lo kobu neajai Yesu. Ibore yenisodit, kwana, abu ngesi kobu aimo Aijar Namam Edaun, abu ngesi kobu aimo aitajario. Konye kereka, korai etunungan loka akedoketai, lokapolon kotoma Israel. Konye abu lokapolon loka Isirael kobu neejai etunungan loemamei ajenanut ebe ejaunar osomero karaida apaaran adiopet. Etungana loapoloorit loamojongit, esasedoti lomojong, ekasukoit, abunore neejai ikesa yenididi. Etunganan loka adoketai luaraas kesi, etunganan loabarit abunore neejai Ekalipilipiton loamameotor aiboisit naaperikina Akekou, aingitun Ngol erot loka aitajario ka Aijar. Aiboisit nasodit, kesi loka Sanhindrin, abu Nicodemo kolimo kwangin, apotu kesi koanyutu icebore kotoma Yesu yenamameotor icetunga luka iriongeta. Apotu kesi koanyutu ebe ajai icebore tomake, naarai abala ngesi ebe, "Akesisianakinan, ijeni isio ebe irai Ijo..." "Isio,"eebo, mam kes apedorete alimor ngin, naarai tikirengear kes kinga. Ianyu? "Ijeni isio ebe irai Ijo Esisianakinan loibunit kama ejai Edeke, naarai emamei etunganan loepedori aswam iboro ngul luiswamai Ijo dimarai arai ejaas Edeke kanges. Ijeni isio ngun!" Oo, ikatunga! Erionget!

34 Kwana, idumuni oni ebe arai Yesu aitodiaret naka Edeke. Kwana, "Emamei etunganan loepedori aswam iboro lu dimarai ejaas Edeke kanges." Ajenete kesi ebe ajai icebore yenetegelikina kaneejai Etunganan ngol. Arai gesi Aica naka apak. Arai Ngesi Ekajenan loka Edeke.

Kwape kwangin Kora da aseseni ibore ngipengin kotoma Musa. Amameotor kesi etunganan apak kangin bala Musa. Arai ngesi ekajenan loka Edeke, loka apak kangin, kanuka apedor naka Edeke. Apotu Kora kede aketukos koanyutu ngin kotoma Musa. Apotu komisiikisi ebe mam apedori araut Musa; mam Musa apedori aitiak angolol Nakarengan, mam Musa apedori aijukunun aitaneta toma akwap. Arai Edeke kotoma Musa, ido, naarai arai Edeke nges abu kitodiar Elopet kaneejai ekajenan arai aica naka apak, abu kokurwok kes aanyun Ngin. Akoto Kora ainakin atukos kere naka itunga, ayangaun toma idiobore.

35 Ngun kes ejokuna erionget noi kotoma, ayangaun nginiomisoit kere naejai, kosodete anyara ngin ebe "Ekristayone." Ajukar etelepat osomero lomam ejeni idiobore yenikamunit Edeke adepar kwape mam Hottentot ejenia nuka akuar naka Omisiri, aijukar ngesi ngina kosodete ainakin nges asioman ka aisianakin nges akiro nuka ediini, ka ainakin nges Ph.D., ka ediguri loka doctor ka ediguri lokiareit loka akiro nuka amacar iboro, arai icebore arai ice koipone kangol. Kosodete aijukar nges alimonokin Eijiri, etunganan lomam ber itajaritai da, loengerit aurio naka abekot ka ajarun, ainger aitangal naka Edeke, ainger apedor naka Edeke, ainger ainapeta akulepek nuabu Yesu kotwania, ainger Marako 16 araut loinyonyoikinitoi, ainger "anyununeta nu nuetupanakinete ngul luyunete" kolimunit Yesu Akiro ngun Elopet, ainger Aswamasio 2:38, ainger adio kotoma nuce kere Nuiwadikaere nuinyonyoikinitai. Kosodete aiswamaun etal luka itunga lomam kes ejenete idiobore yenikamunit ngol, kosodete airam ngin. Ido nakilimokina ijo kes Abeit kosodi aitodikin kes Abeit, irumito kes ileic aikunyar, kanuka ekecerionget.

36 Abu Kora kiswama ibore ngipengin. Abu nges koanyunite Edeke kotoma Musa. Abu ngesi koany ebe arai Abwoikiniton loka Edeke nges eswamai kotomake. Ido abu Nikodemo koany Edeke kotoma Kristo, "Emamei etunganan loepedori aswam iboro lu dimikito ejai Edeke kanges." Ajai Nikodemo sek toma orionget, kotamite alomun kinga. Kora ajai kinga, kotomite ainakin ice alomar toma. Ngin nges arai atiaketait. Atamit Nikodemo adumun aitajario, alomun kinga naka ibore; ajai ngesi toma anyoun aiditeu, apasit nges ngol. Akoto ngesi adumun aitajario. Konye Kora atamit ainakin ngol adolokin a-aiboisit naeraunor ngesi lokapolon.

37 Ngol nges eipone loejaar kede itunga lolo. Ngin nges ationis kede Ekristayone. Kijaar oni atuputonoreta nuipu nuka aingal. Ido itungawok luka Opentekosit, kitimoto alimunet na, ijaliyalasi kede ngin, aituput naka akuan! Kitonyou ber Edeke etunganan kosodi ainakin nges icebore, ido nginitunganan kere kotoma akwap etami aituput etunganan ngol. Mam ijo ijeni ebe ijai ijo aiar atukosikon obe? Nakijaar ijo ibolia emopiira... "Asianut kere," kwape ti abu Paul kibwaikina ngin "Aboloboloto katiting," Etunganan loejaatar emopiira, mam ilemari ngol kamake, kotam ayuar nges. Konye aiboisit naka ngun, naarai mam nges erai loka oriongetekus, itamit ijo ademun ngol kaneejai ngesi. Ecetunganan loemamei aitim, mam nges epedori, igetanar ngesi kokuju na aturo nuajaas toma aburet, kosodi aitam alemar Ngin awai kaneejai ijo. Abeit ngin. Kwana, enera eong komoyo, apeleikinit eong. Kitimoi eong, eong...Eebo, ebuni ngesi aigunikin kotoma obore yenididi kwape bala Aswamasio 2:38, abeit cut ibiror ngesi. Arai kiguiki nges kotoma Marako 16, eipone ali elosio ngesi apedor? Ianyu? Ha. Asisianakin nakapolon noi naka Kristo. Ido ibore ngipengin yenaponi kinerai nuke kotoma Airiamun naka Nicea, eroko kesi iguinikinos kotoma ngin akaulo naka ikar kangul kere.

38 Atamit, atamit Kora aiswamaun erionget, alomar tomake. Ido Nikodemo ajai tomake, kotamite alomun kinga nuka ngol. Aponi kocamunai Nikodemo, kosodi alomun kinga. Abu Kora komudiar kotomake, kotoma agogonguke, abau ngesi komudiar kotoma agogonguke elopet. Oo, ikatunga!

Erionget loajai Nikodemo toma, ajeni ebe Edeke ejukunit Kristo, abala kwangin. Nikodemo kotoma osula lokiuniet kane, elimorit ngin, "Ekesisianakinan, ijeni isio ebe irai Ijo Esisianakinan loibunit kaneejai Edeke, naarai emamei etunganan loepedori awam nukaumokin nu dimikito ejaas Edeke kanges." Kosodi atukos ngipengin kanuka eriongetekek, anyara Nges ebe "Ebelesebul," kanuka Akepedor naka airenge ajokin, kosodete atemar, "Ingalangalai Ngesi itungawok kede Akesisianakin." Erai ibore ngipengin lolo. Aingala inyo?

39 Abala Yesu ebe, "Eswamai eong ngun bon nuisialamikito Papa, aricit bon Eong Akiro nuka Edeke," naarai arai Ngesi Akirot. Mam Nges apedori aswam idiobore kere dimarai Akirot.

Konye, kanuka ekecerionget, kanuka ekeceipone, apotu kesi koenikis itunga. Kotoma otauonokec ajenete. Ido, kanuka aiswamaun eipone loka aiku, kanu airiebor itunga kotoma ajalakin erionget ("itunga kere etuparito Nges"), kanu airiebor itunga kotoma anyoun korionget kosodete atupakin Abeit naka Edeke (loarai Ngesi Abeit "Arai Eong Abeit, Aica"), kanu aitukurwoi kes kotoma atupakin Ngin, apotu kesi kotemasi ebe ajai Ngesi aingalangal itunga. Koomoom ngun! Etunganan loejeni kotoma otauke ebe arai Ngesi Edeke, ebe ajai Edeke tomaKe ("emamei etunganan loepedori ainer iboro lu, dimikito ejai Edeke kanges"), kojenete ngun ido kineras ido kolimonorete ngun, kosodete aibelokin kosodete anyara Nges "Belesebul, ka ekengalat loka itunga," ikecetunga, "kede Akesisianakin." Oo, ikatunga!

40 Ajeni Nikodemo ebe arai Ngesi Enabi. Kwana, arai lo ediopet loajai orionget loamina Edeke ejok ido koyongite Edeke ejok, kosodi amisiikin kede Aitutuket Namojong ebe ajaatar Etunganan lo nuebecokina ido etogogongooritai kosodete aitodiar, Enabi loejukunitai kama ejai Edeke. Etunganan, ainakini eong nges ayongio arai ebunit jokan, abu ngesi kodol ngina. Itelekarit ngesi luipu noi kotoma osisianakinakawok luka lolo, mam epote nepecepe da. Abu Nikodemo awasiake kodol. Aso, mam itoroni nges, arai mam ber ijo idolit. Ajeni Nikodemo ebe arai Ngol Enabi, aso ayongit ngesi Edeke. Mam nges apedori acamakin etunganan ngol anyoun awai kama ejai ngesi, Aica naka apak akangin. Mamace arai etegelikina biai, abu ngesi koany Edeke itodiari Etunganan ngol, ido ajeni ngesi ebe arai Ngol Enabi. Ido arai abu Ngesi korai Enabi, ebunenenei Akirot naka Ejakait neejai enabi, ido ajeni Ngol nuenera. Ianyu? Aso abu ngesi kolot neejai Yesu, akoto ngesi ajenun eipone loka adumun aitajario. Arai abu Etunganan lo korai Enabi, ajai bodo Akirot naka Edeke ka Ngol, ido ajeni do Ngesi erot loka aitajario.

41 Konye nuabu koyangaik Nikodemo aisisiaun kes nuebeit itunga luipu lolo, luka idiinin loka lolo, aisisiaun. Nuebusakinit Nikodemo ajenun, kes ibusakinit itunga luka lolo kojenutu, luka idiinin lu. Adeparit Ngesi Enabi. Abu ngesi kobu neejai Ngol ajenun, alimokin Ngol alimokin nges erot loka Aijar, ido Yesu Elopel nges arai Aijar. Ngin yenejai Okoku ajaas ka Aijar. Aso amameotor ngesi, mam ibusakinit abunore aitam aisisiaun aisisianakin, ekoto nges abunore acamun Etunganan. Erai kwangin atibong na! Agiri bobo Amoru naka Agor. Anibo Amoru naka Agor? Erai Akirot, cabo. Kristo, erai Ngesi Akirot.

Ajai nges aisisiaun icebore. Aomit ngesi ebe, "Eebo, kwana, erai Etunganan lo enabi, erai Ngesi Enabi kwape kaluce."

42 Aso, abu ijo komisiik ebe, mam Yesu abu kobongok akeingiset, abu bon kitoron nges kanuka akemudukanut. Adeparit Enabi, arai Ngesi Akirot ido Aica nailiacai kanuka Akirot! Arai Ngesi Edeke ecai kotoma obore yenitwasama, kitogogongit ebe arai Edeke kotoma Otunganan. Arai Ngesi Akirot. Yokana losodit, esula losodit...Yokana Eijiri, esula lo 1, atemas, ebala, "Kageunet ajai Akirot, kojai Akirot neejai Edeke, korai Akirot Edeke. Korau Akirot akuan, kibiororoi kamawok." Ido ajai Akirot naka Edeke ne ecai kotoma opureemu loka akuan naanonok naka Etunganan, ido abu kitumudak iriongeta. Konye abu Ngesi kobu neejaas idiopediopen. Adeparit Enabi, arai Ngesi Akirot! Erai Ngesi Aijar. Mere...Mam arai Nges aisisianakin ijo nuka Aijar ace naebunit, arai Ngesi Aijar Alopel! Arai Ngesi Aijar. Arai Ngesi Aica. Arai Ngesi Aijar. Arai Ngesi Aijar Namam Edaun, ajai tomaKe, ido Ngesi bon nges erai Ekakoran loka Aijar Namam Edaun. "Ngin yenejai Okoku ejaas ka Aijar." Aso ejai ijo...mam ijo ipedori ajaut kede aisisianakin naka Akirot naikamunit Nges bon odaun, ekoto ijo kojaas ka Nges.

43 Ibala ijo ebe, "Oo, iboikinos itunga kwap kosodete aisisia Ebaibuli ngol ka akiro kere nuka Ayonanin, ka nueraas aitetemununeta, ka iabeconokineta, kaceda." Ido komam ijenete nuikamunito Edeke adepar idiobore! Ianyu? Mam! Ejaatar ngesi-ejaatar ngesi aput, ngin yenejaas kede anapetai? Erai ngin yenejai Okoku, nges ejaatar Ngol, Etunganan. Ngol nges ejaatar ka Aijar.

Ajeni Nikodemo ebe ajeni Ngol nuikamunito Aijar, konye mam nges ajeni ebe erai Ngol Aijar Namam Edaun. Inyobo ngin, Etunganan loeneratar ngesi, Ekiyakia, Aica naka apak, Aica naka akwap. "Ecai Aica kotoma amuton, ido mam amuton ipikori Ngin. Inyobo? Inyobo? Naarai araas kesi luka erionget noi, kosopokinitete kede amooti ka asopurian nuilongere, ka inonosio, ebe abu okurwok kes aanyun Akirot eraun akuan.

44 Inyogonyogotai. Inyogoikinitai bobo. Inyogonyogoete akiro nukolo abongobong. Eebo, ajeni ngesi ebe ajaatar Ngol-ajeni nuikamunit Aijar, konye mam Nikodemo ajeni ebe arai Ngesi Aijar. Ikoni nen lolo. Ido luipu etamito aitarau Yesu, oo, Ekesisianakinan lokapolon, etamito kesi atemar ebe erai Ngesi Enabi. Konye kitama ijo atemar ebe arai Ngesi Edeke, elangir do ngin noi. Ianyu? Konye arai Ngesi Edeke, ido

erai Ngesi Edeke, do ebuni duc Ngesi araut Edeke. Odaun. Edolit ngin.

Koany, mam Nges abu kolimok Nikodemo, kwana, neabunio ngesi neejai Ngol, mam Ngol abu kolim ebe, "Kwana, Nikodemo, ayongit Eong ijo noi, ebe irai ijo e-e-ekapolon kotoma Isirael. Alimokini Eong ijo inyo, imoot ijo Aijar Namam Edaun, aticepak ekotokin ijo aitojoki arakonisioman. Mam ijo ilimunenei akonikiro ejok. Emamei ajokis. Arai, "Aticepak ekotokin ijo aimo eapiesi lokapolon kotoma odiinikon, kanu ajaun kede Aijar Namam Edaun."

Ngun kes atamata itunga luipu aswam lolo, u-hu, eapiesi lokapolon, ekotosi araun, e-ecokon lokapoon neejai ekimat loka lokapolon loka Presbyterian, arai-arai neejai ekaanyanaran arai icebore kwape kangin. Yenemamei aismamanara kede Edeke adepar idiobore.

45 Kosesen nuabu Ngesi kiswama kakonyen nuka etunganan kwape kangol. Abu Ngesi kitoron ngol kanu amamus aijen apak najari ngesi kotoma, "Ikoto ijo alimokin Eong ebe irai ijo ekesisianakinan loka Isirael ido komam ipedorit amisiikinit iboro lu, konye," abu Ngesi kotema ebe, "ibusakinit etunganan kourunai irwan nakiareit?"

"Inyobo," abu ngesi kotema ebe, "eong etunganan loamojongit, alomar akoik naka totoka?"

Abu Ngesi kotema ebe, "Ido korai ekaanyanaran, ekaanyanaran lokapolon, araibo ekimat lokapolon kokanisa loka Pentekosit," arai icetunganan, "ekesa ece lokapolon korionget, ido komam ijeni Naiwadikaere?"

"Oo, kijaar isio Musa."

"Korai yesi kojenete Musa, ti yesi ijenete Eong, naarai enerit Musa nuKang." Ianyu? Konye mere kwape ejaar ekeceinono, ekece-ekecerionget, etegelikina ngin. Konye enerit Musa nukeng, arai Nges enerit Musa nuKang, konye komam kereka kes ejenete ngin. Inyobo? Apotu kesi koenikinos kede italesio, mam kes ajenete ngin.

46 Ido ikanacan luesiomete, lueyangarete ateepon nu, mam igwetari ngin kwana. Ipak edit, aseseneta ber oni ibore yen kaitebeikin. Amina eong yes, iras yesi esipan. Ido mam eong atamit araut loajeni kere. Arai alimu akirot ngin, kitobwou ateepon kosodi alipakin eong. Atamit bon eong ayangaun yes ibore generai Abeit. Sirikicamak ngin atubor kamakon.

Kwana, ayongit eong ainapeta nuka etunganan, kaceda, konye nakiswamaunatar yesi iriongeta lu... Kosesen ber ijo Iparisayon, mam acamanara kede Isadukayon, naarai mam Isadukayon eyuunito arai emalaika, arai-arai emoyo, arai ajarun, arai idiobore, ido ajaatar Iparisayon ngun kere, ido ajaas kesi toma ojje idiopet kayenice. Kwana iyuunit loka Oneness ibore idiopet, loka Tiriniti iyuunit icebore, ido loka Methodist ice, ka loka Presbyterian da ice, ido ibwaanakinete yesi ikoruon. Ido inyobo ijaatar yesi? Atiakatiaka naka enacane. Kotoma oipone, idumuni oni aiboisit ngin kotoma Obaibuli kotoma apak naedit, inyobo ngin, ido inyobo ebalu Edeke ebe erai ngin.

47 Kwana, mam, mam Ngesi abu kolimok ngol aitemokin. Abu bon Ngesi kitoron ngol kanu mam aijen ibore yenabeit. "Irai kereka ijo ekesisianakinan kotoma Isirael, komam ijeni iboro lu? Arai ber kalimok ijo iboro luka akwap komam ijo imisiikini ngin..." Koomoom! "Ekesisianakinan, adoketait nakokuju kotoma okanisa loka Orthodox, ekaanyanaran, cardinal, ido mam ber ijo ipedori karaida amisiikin iboro luka imukerun luka akwap lualimonokini eong ijo, eipone ali ilosio ijo amisiikin iboro lukomoyo lukotoma Akuju?"

Konye epon loamamei aijen ekalokan agaria lomam apedori karaida aiwadik ekekiror, abu komisiik Ngin, itei ijo, kosodete aitarau engarenon loka ekanisa loka Yerusalem, Petero. Ianyu? Oo, "Kere luainaki Eong Papa, ebuni." Ianyu? Esesenete kesi Ngin. Iyuunito Ngin. Iswamaete Ngin, kojenete ebe emamei ibore elosi aitikokin kes.

48 Kwape bala ekakorion. Mam ibus aibwaikin eyala, konye kanu ainakin aanyunet. Ebalai ebe abu ekakorion kosipok akokor ido amameotor kesi abee nuelosikina, abu ngesi kibwaik abeet naka atudo kwapuke. Neabekunere itudo, arai nges ibore yenetegelikina kakere yenaanyunitotor akokore ngun. Ajaatar ereet loaaja kitegelikina, abu kolot emonye kwaakwaa aboisit naka kutikut, ido-ido akokore kere anyamete ido kotodununete kotogo loka akokore. Ido mam ngul araas ikenyamat, bec. Aso apak adiopete abu akokor namojongit kingarenik nges kinga kau naka etogo loka akokore, aikam ibeerei, ido ajai ecor kuju orongat. Kosodi ekwam abunore kocor, kosodi ngesi ainguun akipi. Erai ngin akeijar. Abu akokor kotema ebe, "Kut, kut, kut, kut, obong!"

Abu ngin koteme, "Kut, kut, kut," cut alomar akipi. Inyobo? Arai ngesi atudo, kageunet. Mamace arai eworotoi akokor biai, aroko ngesi esalakinit erai atudo.

49 Ido eipone ngol ejaar kede etunganan loesekikinitai neejai Aijar Namam Edaun. Nakeanyunia ngesi Aica naka Edeke, emamei erionget loilosikina kotoma akwap aiwaoroor ngesi ainyakar tomake. Mam. Inyobo? Erai ekesebe. Aticepak ajai lem ngesi enyami kede ngul adaun apak naepol, ido konyami

akecegasia ka aimor, konye edolokini toma aibosit naadumuna ngesi ibore yenitegelikina, aso ejeni ngesi ngin. "Akamerekekin ejenete ekaporoto," abala Yesu, "Elongwau mam kes etupaarete." Epedorete kesi kotupito ibore yenitegelikina, konye kokwap kotomakec ejai icebore yenitegelikina. Kinyek ber ijo kesi iirasi Abeit irwanatipet, kosodi ijo asesen kes. "Kere luainak Eong Papa epote."

50 Eebo, abu Ngesi kitoron ngol kanu mam aijen. "Irai kereka ijo ekesisianakinan loka Isirael komam ijeni iboro lu? Ibusakinit ijo aurio irwan nakiareit!" Kwana, etunganan loka akwap, akoto eong...ikamutu ber yesi icebore kane, "Ibusakinit ijo aurio irwan nnakiareit."

Kwana, ajar naka akwap, arai kijaar oni ajar naka akwap, kanu araut loismamai kotoma ajar na naka akwap, kotoma oboro luka akwap, ejai oni ajaun kede aurio naka akwap. Mam ingedunio ijo angedun kotoma okitoi kanenice, itei ijo, arwetun kinga koipone ece. Apotu kesi kotamata ngin, konye mam abu iswama. Ekoto korai aurio nakabeit, naka akuan, kanu ainakin ijo aswam tetere ijo ijaun kede apupeta akany, alosit, einer, asesen, aiir, atirorio, ainguun, aipup, alosit airimirim, kaceda, naarai do kwana irai ijo itunganan, ido ibeito ijo-ijo iboro lu kere naarai eupasi kede ajar naka akwap.

51 Ido, kotoma aurio kwape kangin, acepakio iraun oni lukacoa kotoma acoa naka akwap arai akiro nuka akwap, araun ekapolon loka akwap ka-ka luisiomit noi, ka lokapolon loka akiro nuka acuman ka loka science, kaceda. Ido ijenete duc yesi, anyoun ageunet, arai idwe luka Kain kes ajaatar eipone loka acoa kwape kangin; mere luka Set, araas kesi ecokok amerekekin lueyapaara. Konye idwe Set araas itunga luayongito Edeke. Konye idwe luka Kain araas duc lukacoa, ikiara, science, imurok, ka itunga lukapolok. Abeit ngin. Abala Ebaibuli kwangin, ijenete yesi, isisianakini Ngol ngun. Ido idiinikito noi, konye apotu omudiaros awasia. Iraun oni lukacoa koipone kalo alosit osomero, asioman, kaceda, iraun oni lukacoa noi, ebusiak, ido apedorito aswam iboro ka einer iboro, ido acepakio amenar etunganan loilelebas kede Emoyo kede einer. Mam kereka Yesu abala, "Idwe luka akwap kana eraas lukacoa adepar idwe luka Akabakanut"? Abeit cut, 'naarai kesi, kede akececoa ebe epedorito-epedorito kesi einer kosodete aitelekaar ka amenar, kosodete alemun Nuiwadikaere kosodete aijerakin Ngin ainakin alimunun iboro lumam Ngin inera."

52 "Oo, mam cut bec epeleikinit ngun." Etema etunganan ngun, ikunya awai kaneejai ngol. Eseseni Edeke Akekirot, ijeni ijo, abala Ebaibuli. Iwadikatai cut koipone kalo ebeitor Ngin ajaut. Ianyu? Kwana, ibwaikinio koipone kalo aingalaar, ainakin lukacoa aiguiquin kotoma Ngin. Erai ibore yenepatana noi, ngin nges apolou iguinikintor kesi kanuka Ngin. Ianyu? Eebo.

Acoa na kere ka iboro luepedorete kesi aituk, konye erai anyoun...aurio ngin erai naelomunit kokwap, akwap na. Erai naelomunit kokwap, ido erai naitepegit Emoyo loka Edeke. Aurio nasodit, kanu ainakin oni araun lujari kane, aitarauun oni itunga luka akuan, kanuka aswamisioit naka adiakar komanikor, abu koinak etunganan alomun kaneejai aberu. Ido etunganan loeurit aberu ikidioko apaarasia, konye etunganan loeuritai kotoma Kristo erai Lomam Edaun. Abala Yob, "Etunganan loeurit aberu ikidioko apaarasia ido ileleleba ican." Koany, konye etunganan loeurunitai kaneejai Kristo, ekoto kourunitete kotoma Akuj. Kwana, konye etunganan loeurunitai kotoma akwap, eraun lokacoa ido epedorete nepetai acoa aitelekarit.

53 Kosesen ber ijo eipone loacar ajokit, abu koboliar nginisasedoti loalomunit kotoma akwap. Abu ngesi iswama ngin abeit cut ba. Abu koboliar, eroko ngesi iswamai ngupengun. Eebo, abeit cut abu koboliar. Arai ngesi lokacoa, konye abu ngesi kotereikinos kede Loariakasi kede nges apak adiopet Loabu kipiko nges. Ido ibore idiopet bon yenebeit oni aswam nges apero kosiep naka Ngol, edaunit Ngesi aipikor ngol. Ianyu?

Ido elomunit kokwap, ido ngin, acoa naetuki etunganan kanu atogogong ka aitodiar iboro lu kere kanukiinyo ebeitor etunganan aswam nu kosodi ebeitor etunganan aswam ngun, erai namam ibecokina ka asurup (aomisio nuka akuan) kaneejai Edeke. Abala Naiwadikaere kwangin. Eebo. Mamace eipone lokijeriata kesi ngin, kede acoa. Akoto eong itunganan aitodikin eong aiboisit naejaunar Edeke kede erionget arai aicorakin edio ejaun, konye inyobo itoronit ngol kane kotoma Obaibuli. Karaida etamata kesi araut lukacoa biai, erai namam ibecokina! Eipone loepedoria acoa aibwo kosodi aitelekaar ijo ka epeget, ka ainakin ijo aipup adisiar kanuka alimonokin ijo nuikamunito ngol, konye erai loengeronoro kede Nuiwadikaere.

54 Abu icetunganan kalimok eong ebe, "Onac Branham, ejai ibore idiopet yenimam eong acamanara kede ijo." Ebala, "Irai ijo loka Jusus Only."

Abu eong atema ebe, "Mam eong arai. Mam eong arai loka ediorionget."

Abu ekimat loka eceibuga ijuk akiro, apak kaya, kosodi atemar. "Abu icetunganan kalimok eong ebe irai ijo loka erionget loenyaritai Jesus Only, Onac Branham."

Abu eonhg atema ebe, "Erai ngin namam ibecokina. Ibucara ngin."

Ebala, "Aponi kolimokinai eong ebe iyuunit ijo amin nailajaara, ebe ibusakinit itunga ajalakin akecengor

kosodete kosodete amej..." Kwana, itei ijo, erai ngin aingal naka ajokit. Ijenete yesi ngun.

Abu eong atema, "Abeit cut etepegit eong iboro kwape kangul luemameet kotoma Naiwadikaere! Eyuunit eong alaunit ka aipioror. Eyuunit eong ebe eenikina ekiliokit neejai akeru anyoun nakerokotor kesi ejarete," Mam ebeit ijo ayangar ngin komam ber ilipit nasodit.

55 Ido luka Jesus Only, atukos naka luka Jesus Only, emamei eong idiobore asurokinitor kes, ejokuka kesi da kwape adiotukos, kaneka. Konye ibatisaete kesi erono, ibatisaete kesi toma aisiteteunio. Eyuunit eong ebe esiteteunio oni kede Emoyo Lokalaunan, mere kede akipi. Etwasamai eong Ekiror loka Yesu Kristo kotoma aibatisao, ido emamei bobo ecekokoro kotoma Obaibuli kanu aigang...aitaraun ngin namam ibecokina. Amamei itunganan kotoma Obaibuli yenibatisatere kokiror loka "Papa, Okoku. Emoyo Lokalaunan." Akoto eong itunganan abunore kasodi aitodikin eong adiopeboisit, idiopetunganan yenibatisatere koipone kangol. Ido arai mam erai Naiwadikatai, kojalak aswam ngin!

Ibala ijo ebe, "Mam ngin iswamauni aitegelikinet adio."

Kaneejai Paul etegelikina. Abu nges kicorak ngul abatisaun bobo, Kokiror loka Yesu Kristo, kosodete adumun Emoyo Lokalaunan. Kosodi Paul atemar, "Arai kebu emalaika kotoma Akuj," Igalatian 1:8, "ebu, kisisianak Eijiri ece," adepar ngol loesisianakit ngesi, "ikenoi ngol."

56 Itei ijo, erai einono. Abu eong kenerata kede etunganan lokapolon pac. Ebala Onac Branham, mam eong apedori. Ajeni eong ebe edolit Ngin," ebala ngesi, "konye inyobodo ebeit eong aswam kanuka Ngin?"

Abu eong atema ebe, "Orima Ngin!"

Ebala ebe, "Inyo, ajaatar eong-eong ayongio kakidingo naka itungakosi."

Abu eong atema ebe, "Konye akoto eong ayongio kede Edeke, aso orima Akirotoke. Ejai ijo esekar ekoniwai, ijo ibuni aijaanakin Edeke arai etunganan?"

Konye edumunete kesi ekecediini, kosodete asipokin ilimonoreta lu tomakec, kotup ber ijo cut kobuni kwap. Apak nakasodit nakeswamarei ngun arai kotoma okanisa loka Iroman loka Atulik. Edolit ngin. Akoto eong itunganan yenitodikini eong ibore yenitegelikina. Asiom eong akiro nukolo, da, ijenete yesi. Aso kiitu, erai aibatisao naka Atulik ido idiotunganan yenibatisatai koipone kangol ibatisatai toma odicane loka Atulik. Abuni eong aitogogong ngun eroko akuaresia kengetakina, arai kitojok Ejakait. Edolit ngin. Ngin nges apolou naekotor ijo abongun.

Mere luka Jesus Only. Kwana, ejaas itunga luipu luejokaku toma Okanisa loenyaritai loka Jesus Only. Itunga luipu noi lukajokak kotoma Assemblies of God, Church of God, Methodist, Baptist, Prebyterian, ka Atulik. Konye mere edio kotoma kangul erai Ekanisa, mere edio kotoma kakesi. Ejaas idiopediopen toma ngina luejaas toma Okanisa. Konye mam erai ediini ngol ejaatar kesi luiswamaunito Ekanisa, kwape ketamitotor itunga aitarauun ngin kwangin. Ibucara. Ipak edit idolokin oni ainakin yesi Naiwadikaere kotoma apak naedit.

57 Eebo kanu araut loijari kotoma akwap ejai ijo aurunio kotoma akuan kanu araut loijari. Ianyu? Ido iraun oni lukacoa, luicobe, aijenewok nges einakini oni ngun. Konye kiitu ebe aurio ngin, ageuneteke alopet, arai namam ibecokina. Erai naka akwap ido itegelikina kede Akirot naka Edeke, erai abanganut kama ejai Edeke ka ainapetaKe, emamei ibore ejeni kanejaas ainapeta nuka Edeke. Korai mam, ti Nikodemo ejeni nuipu adepar nuajeni Yesu nuekamunito Ngin. Ianyu? "Irai kereka ijo ekesisianakinan loka Isirael?" Ianyu? Kosesen neelosete ikusidiinin, neelosete ikusitunga lokapolok lokacoa luiriamununos nepepe kosodete ainap akecenapeta, ka asipokin?

58 Eong ber kalimok ijo na. Kanginipak naejukuna Edeke Aica toma akwap, kotoma obore ice kotoma Naiwadikaere, ekerete kesi awai cut kede ngin. Ido katipet nakenyounia etunganan ngol, iswamaunete kesi erionget kotomake. Napekitaraunatar kesi ngin erionget, akoto eong aingit yes edio loisisia akiro nukolo (loijai ne kwape kwana, arai ipupi ijo kateepu) abunore aitodikin eong. Kotoma apak adio naabu etunganan kitarauna ekanisa erionget, abu kotwana kanepakanen ido mam bobo enyounitor. Mam eriakasi kede Akirot naka Edeke. Mam eriakasi kede Naiwadikaere. Kanuka ngun nges etepegitor eong ngol. Idiobore yenitegit Edeke, arai ejai Edeke tomaka, akepolou etepegit eong da idiobore yenitepegit Edeke. LokasurupiKe nges lokasurupika da. Ekekanisa nges Ekanisaka da. Akejar nges Akaijar. Abu Ngesi koinak Akejar, abu Ngesi koraun eong tetere eong kotoma asianutuKe araun kwape ka Ngesi. Ianyu? Apotu isio ejulata aiboisio. Abu Ngesi koraun ekadiakanaran kwape keong kosodi atwanara kanuka, kotoma aiboisitika, tetere eong apedori araun okoku loka Edeke kwape karaar Ngesi.

59 Kwana isesenete yesi neadautu idiinikus adolore? (Mam ber oni igearit.) Ecobe kotoma acoa naka akwap konye etwakito kotoma ainapeta nuka Edeke! Kwana eteliosi ber oni kau, abwoutu ber oni kane ipak edit.

Etegelikina Adam kede ainapeta nuka Edeke, naarai abu ngesi omwang Akirot naka Edeke. Abu kotam

aswamaikin akekuan arapiaret, ediini. Abu kibiror, ido ibironoros duc, nuetamit etunganan aswam. Ebucarit Nimurod. Abu Kora komudiar. Inyobo atamito kesi aswam? Aiswamaun erionget.

Ido akaulo naka ngun, awasiake kedautu kesi aiswamaun erionget, abu Yesu kodum kes, etwakito! Ebalaba ebe, "kijaatar yesi akonye ido mam isesenete. Ijaatar yesi aki ido mam ipupete." Ianyu? Ebalaba, "Iraas yesi imudiokok, ingarenikinito imudukiok. Arai kingareniki emuduk imudiokok, mam tope kesi kere ibirokinos aipany?" Ebalaba ebe, "Irai kereka ijo ekesisianakinan kotoma Isirael, ido komam ber ipedorit amisiikin nuerai aurio nakitetet? Konye, korai ti ijo ikunyarite awai kama ejaas italesio, kosodi ti asalakin neejai Akirot, ti ijo ijeni ebe abunit eong ainakin itunga aurio nakitetet. Ti ijo ijenunit apakiKa. Korai ti yesi kojenete Musa ti yes kijenatee Eong. Enerit Musa nuKang ido abala ngesi ebe abeit Eong abunore, ido Eong lo! Ido arai mam Eong eswamai iboro luabala Musa ka inabin ebe abeit Eong aswam, mam do iyuunete Eong. Konye arai mam yesi ipedorete aiyuun Eong, kwape Etunganan, ido arai mam yesi ipedorete aiyuun Eong naarai arai Eong Etunganan ido eswamai aswam isio nuka Edeke, iyuutu do aswam isio naarai kitejenunito nuka ibore yenenara Eong." Ianyu?

60 Konye do, kwape lolo, korai Ngesi kojari kotoma akwap lolo, ti Assemblies of God ejaatar ediopet, luka Oneness ediopet, ido ti nginitunganan ejaatar Yesu ediopet. Abeit cut, ekoto ekecediini aitobwoun emopiira. Ianyu? Arai mam elosi aswam ngun, akepolou mam kes epote. Atiakatiak enacane.

Eitunit eong itelepat yenanyaritari "David." Erai ngesi ekiliokit kwana, loedukokina, aomit eog ajaatar ekal. Eitunit eong neageara ngesi agear. Abu eong alot St. Louis. Apupunitor eong ikalimonokinak ludidik lutelepai, ebe apedori ngesi anyoun kangina kosodi atemar ebe, "Yesu, itelepat yenididi, yenaurikinitai atuba. Toto, biaibo araas nuce kwa nuikamunito ngun?" Konye mere itelepat ngin yenididi. Abu ngesi kolaca ekootike, kosodi alemun ekokoro kosodi alimonokin. Ido araibo ngesi ingai? Arai ngesi loka Jesus Only. Papake, ejakait Walker, arai loka Jesus Only. Inyobo, mam Assemblies of God apedorete atitingikin ngun. Ajai kes da adumun David yenididi. Inyobo, luce kere ajai adumun David yenididi. Ido apak adiopet naebwaikinitotor itelepat yenididi airiamun kalaije ko Florida, abu ngesi kanyara eong alosit aingarakin nges. Kasodete eong kede Onac Moore aisiom apapulai aarei nuka atutubet naka oingaren naka apapula, komamei idiobore konye David yenididi, nginikanisa abu kojaunos kede David yenididi. Oo, otukui! Inyobo, korai ti atukos naka imakio luka Edeke komisiikinito ainakineta naajai neejai ikesa ngin yenididi, ti nges ibwosunit ilukumin luka itauon toma Akabakanut, itei ijo; alimokin nges aimurwokin eketal loikamunit etunganan ka nu koipone kalo. Ajaatar Edeke ainakineta kotoma ajarake, aitwasam ngin!

61 Naketodiarere aitangala naka Edeke irwan nasodit, nginitunganan ajaatar atirorio kotoma akanike ido apedori ainguun adekasinei. Ido, oo, ikatunga! Inyobo? Ajai kesi aswam ngin kangina, ajai ekecerionget kau naka abolobol. Itei ijo, ibwaikisi yesi erionget ngaren naka ainapeta nuka Edeke, iomito yesi ebe erai kwangin. Konye ejaatar Edeke Ekekanisa elosi ngaren koipone kangope kangol, Akuan nakaiyeiyea. Mam ijo ilomari neejai Ngol alaomar, kiurikinio ijo tomake.

Ecobe kotoma acoa naka akwap, konye etwakito kotoma ainapeta nuka Edeke, kolimokinai do, eong. Olimokinai do, eong. Ipedori ijo alimokin kes kosodi aitodikin ebe ibucara, kede Akirot naka Edeke ka aisumunet, ido mam kes epote aanyun kwape kwangin. Apedori eong aibokin cut kwape kasodi alemun Akirot kosodi aitodikin kes kasodi aitodikin ijo ebe ibiroro ediini. Apedori eong aitodikin ijo ebe italesio luijaatar yesi lolo ibiroro, itei ijo, isaan lu luka ekanisa. Aitodun ebe ibiroro, ido epote kesi atemar ebe, "Eebo, isisianakinitai isio aiyuun nu." Itei ijo, kotoma aomisiotika, erai-erai isirikaale luejenara kede ejie, arai ijenete yesi nuenera eong, isirikaale luejenara kede ejie. Eebo, edolit ngin. Mam kes epedorete aanyun. Abala Yesu ebe, "Mam yesi-yesu ipedorete aanyun, tetere ipote mamaKang kosodete adumun Ajar."

62 Ajai Nikodemo, etunganan loayongong, etunganan lokapolon, ekaanyanaran kotoma okanisake, etunganan loajenera, loaminas itunga kere, kosodi abunore neejai Yesu ido mam ajeni nuepu nuekamunito Ajar kwape-kwape mam idiobore ajenia. Arai ngesi loamamei aijen cut kanuka Ngin neabu Yesu kitoronia nges kanuka ngun, konye alacakina ngesi abunore. Apotu kesi kobwoata awai kede esasedoti lopeti kede Ekaanyanaran mutan ka mutan. Ianyu? Apotu kesi kobwoata awai kede ngul, koyangarete italesiokec luka imakiokec itia aiirar Akirot naka Edeke.

63 Kwana, ipedori ijo alimokin kes, mam kes epupokinete ngin. Ipedori ijo cut bec...Koany ber ijo...Akoto eong aingit yes icebore. Mam eong apeleikinit na ainyanakina. Kwana, inacan luipupete ateepe, mam eong apeleikinit na ainyanakina. Inoma ber ijo eong alosit kinga ne, kosodi-kosodi auno naiweniwenikina kaju kokitoi aingit eong, "Eipone ber ali kotoma akwap ipedoritor ijo alosit airimirim akwap kwape kiswama ijo? Kijaar eong ajar, mam eong arai auno kokuju okitoi?" Epedori ngesi aitogogong ebe ejaatar ngesi ajar, konye erai naka eipone lokaronon. Arai ekoto ngesi alosit, eipone ediopet bon loepedoria ngesi alosit, asesen, aiir, aipup atirorio, aingu, ka aiirar, korai ngesi kopedori einer kosodi alimokin eong kosodi aingit ngun, eipone ediopet bon, epudakin ti nges aurunio koipone kalo eurunitere eong. Amen. Mam nges cut epedori amisiikin ngin koiponece. Konye arai keuruun nges koipone kalo eurunitere eong, kwangin do ejenuni ngesi iboro luajeni eong. Amen. Oo, ikatunga! Eebo, ipa. Mam ijo ipedori alimokin auno kokuju naka eipone loka alosit ka aswam, ekotokin ngin adumun eipone loka ajarawok kanu amisiikin ngin.

Kwape kwangin kede Emoyo! Ibore ngipengin kede Emoyo, arai mam mam do ijo ipedori amisiikin Ngin. Emamei ameda naka atamit angicun ngin, kobua abunore neejai Ngesi nasodit ber. Naarai, "Arai mam etunganan eurunitai irwan nakiareit, mam nges epedori aanyun Akabakanut," abala Ngesi, erai ngin, "amisiikin Ngin." Ibusakinit ijo kouruun irwan nakiareit tetere ijo ijenuni Ngin.

64 "Eebo," ibala ijo ebe, "Aurunitai eong irwan nakiareit." Ido kongerite Akirot? Eipone ali ipedoria ijo ajaun? Akonijjar alopet einakini aitodiaret naka ngin, akonitukos alopet naimorikikina ijo kede, ikweny luka ajul nueputosi. Ianyu? Kidareu kiton nakidolokina oni kwap oboro ngul kotoma odakikan idis, itei ijo.

Ebuni kanuka Emoyo. Eipone ali ipedoria ijo alimokin itunga nuka Emoyo ijo lomam iurunitai kede Emoyo? Ibusakinit ijo aurio kede Emoyo Lokalaunan kanu amisiikin iboro luka Emoyo. E...abala Yesu ebe, "Ekusi ekwam mama ekot, ipupi airurumake; konye mam ipedori aijen kama kebunio, karaida mam ebei." Ianyu? Ikoni nen ngitunganan yeneuriei Emoyo, mam kes epedorete alimokin ijo. Ido itunganan yeneuriei Emoyo mam eomoomoi einakini ngesi Edeke aswam naka aomoom.

65 Iomit ijo ebe ti eong abwo kolutaari kane, aomoom kasodi alimokin itunganan kokau kangina ebe, "Ekekiror nges Yokana Deo ido ebuni ngesi kaboisit mutan, iswamai ngesi nu. Ido abu ngesi omany aceberu kokau kangina. Ejai nges ainyakar ibore yenikoni ne, ka aswam ngun," iomit ijo, korai ti korai aomoom, ti eong apedo aswam ngun? Emamei eipone lokacoa kangin kotoma aurio kana kane kotoma akwap kanuka ngun. Edeparit ngun. Ekoto kobunite kotoma Akuj. Kosodi do nakiurunere ijo kede Emoyo, lokotoma Akuj, Aijar naajai toma Ngol Loeswamai iboro ngul, abala ebe, "Aswamisio nueswamai Eong, iswamaete yesi da."

66 Ejulakin auriokon. Ingalangalatai ijo. Ipedori ijo kinerite kede angajepa, ipedori ijo kosomosomote kuju ka kwap, ipedori ijo ilulute, ipedori ijo kiswamate nu ka ngun kere, kwa, ipedori ijo korai lem emeeba loimunokina. Kwape kwangin Nikodemo da, itei ijo, konye akadit nges aurio. Ido nakingerio ijo Akirot, aitam aibwaikin Ngin nenice kosodi aswam icebore neejai Ngin, kosodi aisiarakin Ngin koipone kangol, akepolou...abala Yesu, "Etupanakinete aanyununeta nu ngul luyunete. Kolototo yesi akwapisinei kere kolimonokis Akiro Nukajokak neejai nginisubat kere." Bon ebe elimonokinio Akiro Nukajokak, etupanakinete aanyununeta nu. Kolimikina eong aiboisit naabu Ngesi kolemaria ngin awai kotoma Okanisa. Kitodikina eong ekokoro loabalar Ngesi, neelimunitor Ngesi, "Adaun aojau bon." Abala Ngesi ebe, "Nejaas akwapisinei kere ka nginisubat!"

67 Eebo, ejaun ijo adumun eipone loka Aijar najaatar Ngesi, kanu apedor aijar Akeijar. Ido nakingoliara ijo Akeijar, ijenuni do ijo Akekirot. Edolit ngin. "Neebunio Ngesi," aliminet naka etunganan, mere aomisoit, mere ainomaret, mere asubanakineta, konye "neebunio Ngesi, kebu Emoyo Lokalaunan, elemuni Ngesi iboro lu lualimok Eong yes, kosodi apukokin yes, ido ebuni aitodianakin yes iboro lueponito." Erai ngin aurio. Erai aitodiaret ebe erai Ngin Akirot. Ido naketemara etunganan ebe ejaatar ngesi Emoyo Lokalaunan, kosodi ainger Akirot naka Edeke kosodi aibwaikin Ngin nenice, eipone ali epedoria Emoyo Lokalaunan ainger Akekirot Obe? Kwana kitodikina eong erionget kotoma Akirot. Ikoni nen. Ianyu? Eebo.

68 Koomoom ber ijo nuikamunito ekagwelanaran...Kwana eipone lota ejaar ekanisawok kau. Koomoom ber ijo nuikamunito ekagwelanaran loabu kogeu aisubisa kane, erai e...era ai subisa cut naekeriana teni, ido okoto nges adumun aigange katipet, kosodi ngesi alosit atukos naka itunga lukatwak, atesin, kobala ebe, "Yesi ipedorete abunore aswama kede eong ikiliok?" mam ti ngul eraunos luka ameda mamake.

Ngin nges apolou namam erionget ejaruna bobo. Ianyu? Atukos naka lukatwak lumam iyuunito etukonokinos nepepe bala Nimurod, bala Kora, bala kwape anatar atur kere. Eipone ali epedoria...Mam Nges itwasamator ngol, mam Nges cut kitwasamator erionget. Mam Nges iswamai ngun. Adau anyoun kinga naka akote naka Edeke, atubor adepar ngun. Mam bobo epedori adolokinio, mam epedori amounio.

69 Eipone ali tikipedoria ijo alosit neejai etunganan lomam epedori alosit, akou nailejekek, akanin ka akeje, alimokin ngol ebe ikoto ijo nges akerikin ijo kolagano loka akerit, obolobol katiting, kocakasi awai... Ianyu? Eipone ali epedoria ngesi aswam ngun komam etunganan epedorit alosit ilejekek ngesi? Ibusakinit ijo alemar angwalu awai kamake, nasodit ber, kopedori do ngesi akerit.

Ngun kes ipuda erionget, nges angaleu naka Edeke. Oo, ikatunga! Amuno eong ebe mam eong adumuni...aisub bala etoronit. Itei ijo, mam eong ajai aitoronit, konye arai mam esumalit ibubukitai ejok elomuni kinga kapatan. Ianyu? Kanuka ngun nges mam Emoyo Lokalaunan epedoria aitwasam ediini. Katipet nape...

70 Kiitu ebe, eyuunit eong ebe ejaatar Martin Luther Emoyo Lokalaunan. Cut abeit. Aticepak mam erai kotoma adoketait naejaar Ngol lolo, naarai mam ainakinetai Ngol. Idaunit oni aitor toma nu, yesi itunga luka ekanisa, kane kotoma abao. Konye eyuunit ngesi Edeke, "Ido ngin yeniyuuni ejaas ka Aijar naka ikar kere." Mam eong aomoomotor bala ejai itunganan yeniyuunit kwape bala eong, kiton atupuruc na, abu eong apup Charles Fuller kwape alosio eong kwap. Iyuunit ngesi, da, ebe mam aurio nakiareit erai aibatisao naka Emoyo Lokalaunan. Aurio nakitetet nges aurunio. Emoyo Lokalaunan nges aibatisao. Ianyu? Eebo.

71 Kwana idumuni oni ebe ibusakinit etunganan lo arurio irwan nakiareit tetere eraun loejari. Eebo, kanu auruunio kotoma akuan, akepolou ijaas do ijo kede acoa naka akwap. Ido acoa naka akwap erimarit esisianakinan loka akuan. Cut. Ngin cut bec nges apolou etunganan loemameotor aurio nakitetet, kosodi ijo alimokin nges Akivot naka Edeke, epote kesi arimar ekaanyanaranikec, ekimatakec arai ekecerionget, aiboisit naka Akivot naka Aijar. Inyobo? Mam ejeni idiobore yenitegelikina dimarai ngun. "Inyobo, ijeni ijo, aticepak apedori eong acepaaran araun ekimat." Inyobo, arai Nikodemo esisianakinan. Adeparit ngin ekimat, adeparit ngin e-e-ecokon, adepara ngun, arai ngol esisianakinan kotoma Isirael. Ianyu? Eebo, ido arai ngesi etunganan lokapolon, arai ngesi loka atukos kana ido komam ejeni idiobore yenikamunit Edeke adepar idiobore. Ianyu? Kere nuajeni ngesi kes akiro adis nukolo.

72 Inyobodo ajokis naka Edeke lokolo arai mam Nges erai ngesi ngopengol lolo? Inyobodo ajokis naka Edeke loka Musa arai mam Nges erai Edeke ngopengol lolo? Inyobodo ajokis naka Edeke loapedori aitajar etunganan komusalaba lomam epedori aitajar icetunganan kotoma ojautene kangopekangol lolo? Kwape duc alimununa eong, "Inyobodo ajokis iswamauni ijo ainakin ikweny yenipisit ijo ore (canary bird) ikinyom lukajokak ka evitamin, ka ainakin ngin ajaun kede abebenoka nuegogong ka ajul nuejokuka, kosodi aibwaikin ngin aigalisit?" Mam eong amisiikinit ngun. Aitam alimonokin eong nuka Edeke lokapedor ka iboro, kosodi agolokin Nges toma orionget lomam ber iyuunit ber ibore kwape kangin da. Ianyu? Kere emamei ajokis. Ngin nges apolou ibiror ngol, atwana ngesi. Mam ijo ipedori aitwasam ngol. Mam Edeke itwasamator ngol.

Koomoom ber ijo, mam Emoyo Lokalaunan iswamator ngol, kotoma apak adio, aitwasam erionget, emamei kanenidio kotoma Naiwadikaere arai emamei kanenidio kotoma akiro nukolo. Ido arai epedori idiotunganan yenepupi ateepeu, araibo ejai ne, aitodikin eong neabu Emoyo Lokalaunan kitwasama erionget kosodi ayangaun aikunyakinet kotoma akwap, kobu kolimok eong. Akoto eong ijo alimokin eong eitabo loka akiro nukolo loelomunitor ngin. Ijenete yesi ebe emamei kotoma Naiwadikaere, aso akoto eong ijo aitodikin eong akiro nukolo nuelomunitor ngin. Mam Edeke kitwasamator idiobore kwape kangin. Itwasamai, Ngesi idiopediopen duc.

73 Ejok, auruunio kede Emoyo Lokalaunan. Kwana, auruunio kotoma akuan, ka ajaut kede acoa naka akwap, acoa ebuni arimaar esisianakinan loka akuan. Auruunio kede Emoyo nges aiyuun ka arimaar aisisianakin naka Ebaibuli kanuka Emoyo Lokalaunan. Ido etunganan loeurunitai kede Emoyo ebuni arimaar Akivot naka Edeke komam epodo nuelimokini nges etal. Erai ngin bon. Euruunio ijo bobo, ngin nges apolou nakisesenia ijo. Ajaut orionget, aibwaikin amunokon kere toma...

Kwana, mam eong abala ebe mam itunga luejaas orionget euritai irwan nakiareit. Kwana, abuni eong adolokin toma ngin kotoma adakikan adis, kitojok Ejakait. Abeit cut, eurunitai kes, konye eraas idiopediopen. Mere erionget nges eurunitai irwan nakiareit; idiopediopen kotoma kangina kes eurunitai irwan nakiareit. Konye erionget etiakari nges awai kama ejai Edeke, kesi ngun kere nuiswamai ngol: atiakar. Eebo. Komam epodo akuan, isisianakin ediini akuan, epegas duc kede akote naka Edeke.

74 Auruunio irwan nakiareit akepolou ebe "auruunio kotoma Akuj." Bobo akepolou "kotoma Akuj." Aomit eong ijenete yesi ngun, itei ijo. Auruunio irwan nakiareit akepolou "auruunio kotoma Akuj." Kwana, ibuni ijo aanyun, ipedori ijo aisisia arai ikoto ijo, eitabo loiwadikatai apolou naka akiro (Lexicon). Itei ijo, akepolou "aurio naelomunit kotoma Akuj." Naarai iurunutai ijo kane, kwana aurio irwan nakiareit ejai ijo auruunio kokuju Kane, kanu aurio nakiareit. Ido ikiara Akabakanut ngin adepar akabakanut na, epol noi adepar akabakanut na, kiton neeraar akabakanut na abanganut kaneejai Ngin, ido erai Ngin abanganut kaneejai na.

75 Alimunun duc eong ebe, apotu eong kede akaberu kane pac alototo agwel inyammat, ilapio idis kau, kasodete isio aanyun aberu na anapit esikat. Ido arai ibore yenitegelikina yeniaanyunitor isio kotoma apak naepol.

Eebo, atupuruc na, mam eong alimunit na kanu ainyanakin, abu eong apup ediopet kotoma oriongeta lukapolok luejenara. Ido ijai eong kede akokuka aipup eredio kwape kilosio isio aisirereng ekanisa. Ido ekosio loawoete kesi, eipone ece loka ibore arai ice kaneejai mutan, eiponece awoere naajokuna naepupo kaneka bala angor eenito eyengange kiton ireetinikec araun lu bululu, kosodete aomit ebe aowoere ngin. Erai ngin aidiidit iporotoi, aminakit eong awoere namojong naka Openetekosit, kolomunit kotaukon. Mam ijo ipedori adakit aruo naka eporoto kotoma adoboolo naka atotol, konye kereka owoi ijo, alakanar mama ejai Ejakait. Aomit eong ebe erai ngin nakaomoyo. Amina eong ngin. Konye aenit eyengane ngin kito koreetekon araun neebululu, kosodi aolior kobonguni bobo, ingai...Mam ber ijo da ilopet ijeini nuijai ijo awoere. Eipone ali imunor ijo icetunganan ajenun? Ikoni nen. Abala Yesu ebe, "Inera iboro luijeni." Edolit ngin. Eebo. Nuebeit oni aswama nges awoere nuijeni oni kotoma otauonowok, nuiipupi oni.

76 Ido neangetekineyata kesi, isisiai akokuka emiusik, kosodi ngesi atemar, "Onac," ebala ebe, "ajok do teni ngin ebeit."

Abu eong atema ebe, "Eebo, konye imwaas bo ai kotoma okwaya kangol nepetai loka itunga

akaisakany iomit ijo emasete esigala kotoma oyengenekec? Imwaas bo ai kotoma okwaya kangol iomit ijo, akuar naka bian kwape araar akuar naka Naemukaaga, emasito ajon? Angor amwaas ai kotoma kangina ajaatar itim luatubub? Amwaas ai aculito iriagin, kobala ecokon loka ekanisa ipakio adis pac ebe, 'abu Edeke kosub akwap naebus noi neasubuna Ngesi eriagi'?" Ajenete oni ebe ejai aberu adiopet kotoma Obaibuli naabu kocul ekeeret, kosodi Edeke aitanian nges ingokwo. Kasodete oni, idiotunganan yenijeni idiobore yenikamunit ekanisa ka nuikamunito ikapiirin, ejeni ebe eriagi erai ibore yenitwasamaete ikapiirin ajulanakina esubekec, arai duc. Ido, kereka kiswamaete angor ngin. Ido ituleete ikiliok esigala, aimat ajon, kinyikokinito. Kosodete abwa kangina ka awoere, iporotoi koipone kangol. Ibuni oni adolokin nen kotoma adagikan adis kanepokane. Eebo. Ajaut toma aomoom naka erionget, kobeite ituguikin ajaun kotoma Otube, koipone kalo aomitor eong.

77 Aurio kede Emoyo, nges aiyuun aiboisit naka Emoyo, nges amisiikin ka aiyuun kede ekonitau ebe Yesu nges Kristo ido Akekirot Na, ebe emameete bobo akiro ace nuebeit ayataninio toma Ngin arai alemario awai kaneejai Ngin komam elemario ekonikiror Oitabo loka Aijar. Arai ngin naagogong. Arai kiyatak ijo idiobore toma Ngin, kotoma otelekus, arai alemar idiobore kaneejai Ngin, eebo, abala Kristo, Elopet cut ebe, "Iputario ekonikiror kotoma Oitabo loka Aijar." Kwana, komou ber ijo erionget, ediini kotoma Obaibuli. Oker awai kama ejai ngol! Eebo. Komam ipodo akuan, aisisianakin naka ediini itepegit Ebaibuli. Eebo. Aurio nakiareit akepolou "Aurio nakietetet naebunit kotoma Akuj; eurionio kotoma Akuj." Akepolou ijari do oni kotoma oboro lokotoma Akuj. Oo, ikatunga! Naarai Ngin nges Ngol elopet iswamai kotoma Akirotoke kotomakon, Aketenu, nejai emusabibu.

78 Ngin nges apolou abalar Yesu ebe, "Arai mam Eong eswamai aswamasio nuka Papaka, mam iyuunite Eong." Oo, abeit cut! Abala Ngesi ebe, "Emamei loedokari toma Akuj konye Ngol loabuni kotoma Akuj." Kosesen kwape abu Ngesi koridakina Nikodemo kane, neabu Nikodemo...Ijeni ijo, aomito kesi ebe, Nges kwape araar Etunganan, mam Nges apedori araut Edeke. Kosodi Ngesi atemar, ido kangina abala Ngesi, "Emamei yenabu kodokarite toma Akuj dimarai Ngol lokedokuni kotoma Akuj, Okoku loka etunganan loejai kwana toma Akuj." Araas ngun nuepu noi kanuke. Eipone ali apedoria Ngesi, Okoku loka etunganan, abunore kwap kotoma Akuj, ngesi ngopengol abu kodoka toma Akuj, ido Ngesi ngopengol loabwoi kane kokuju naka etogo kalo, kineras kede Nikodemo, nges ajai kwana toma Akuj? Eebo, ebusakinit ti nges koanyunite ebe arai Edeke. Erai Ngesi loejai aiboisio kere, nginiboisit kere! Ianyu? Konye nges, kotoma otalesioke, mam nges ajeni ngun. Mam nges arai loka aomoom nakomoyo. Aijen naka akuan, ido mam apedori amisiikin ngin.

Ebala Ngesi ebe, "Ibalas ber itunga Okoku loka etunganan ebe ingai?"

Ebalas ice, eebo, 'Erai Ngesi Okoku loka Daudi.'"

Abala Ngesi ebe "Dobodo kanukiinyo anyara Daudi Nges kotoma Omoyo ebe 'Ejakait,' kobala, 'Abu Ejakait kotema Ekajakait ebe, Kiboikin akanika nakoteten, Atodol neebwaikinia lukasurupokon kwap kakejenekon'?" Eipone loeraar ebe arai Ngesi aliasit ka aur naka Daudi; ajai Ngesi alingakin Daudi, kede Daudi, ka akaulo naka Daudi. Ianyu? "Erai aliasit ka aur naka Daudi," abala Ebaibuli kwangin, aliasit ka aur naka Daudi," eipone bodo ali apedoria Ngesi araut Okokuke? Eipone bodo ali apedpria Ngesi araut Ejakaitike? Abala Ebaibuli ebe, "Anyoun kosawa kangol mam bobo apotu kingitata Nges idiobore." Aomit eong ebe arai ibore yenajok, nges da. Eebo, ipa. Ejok.

79 Eurunitai irwan nakiareit kotoma Akuj. Akepolou ijari do oni, ajar kotoma oboro lukotoma Akuj, ido, kanuka Aijareke kotomawok naerai Akirotoke itodiari Akirot Obe alopet. Emoyo loejai tomakon nges Akirot eraun akuan kotomakon. Epodokinit Emoyo Akirot, ido ekukurana noi kotoma aitodiar Akirot.

Kwana, mam Emoyo iswamai kotoma orionget edio, naarai Emoyo elopet itepegit erionget. Emoot erionget iboro luka akwap, aijen naka akwap, ido edukete kesi iyekalun lutiek ka iboro luitubusiaritai, ka iriongeta lukapolon luibusiak, ikesisianakinak lukacoa, kaiceda kwape kangul, ido atukos nakajokan kakere koibuga. Kotamite Emoyo Lokalaunan adumun itauon lumunon nekiburakinitor Emoyo Lokalaunan aitodiar ka aitogogong ebe nginikirot naka Edeke erai abeit. Eipone ali ipedoria ijo, eipone ali epedoria Emoyo Lokalaunan aswam kotoma orionget kongerite ngol, ayangar italesio aiboisit naka Akirot? Mam epedori aswam ngun. Aso, itei ijo, etwanit. Mam Edeke elosi aiboisio kwape kangun amoun Lukeng, a-a-tukos naka itunga kanu aswamaikin Nges aswam, naarai edaunito kesi atwakare. Eraas kesi lumam iyuunite Akirot naka Edeke, arai mam epedorete ajaun toma ngina. Ianyu? Kwana, ijari oni kotoma oboro lukotoma Akuj. Kwana, epodokinit Emoyo Akirot. Kwana, edolit ngin, naarai Emoyo einakini Akirot Aijar. Ianyu? "Eari enyukuta; Emoyo nges einakini Aijar."

80 Kwana, ajai eong abunore lolo, kaseseni ikito lukapolok luelaete kokinga kotoma amagoro, irongan lutiek, lurengak, ludosoik, ilimanakina neeliba tomakece. Abu eong atema ebe, "Ijo ijeni ibore yenerai ngin?" Abu eong atema, "Kijaar oni atwanare, kosodi Edeke aibwaikin Aketur kinga, amakanakin kes kuju orongan. Eraas atur nuka aidaio. Abongo ajar toma apua. Anukaa Edeke ikekinyon kama ejaas atur kaa iboro, anuka ngul ainyakar, kosodi Ngesi aitolibun aketur. Esesni Ngesi akwap naarai eraas atur nuka aidaio.konye nakelomunia akolong bobo, ejaruni ikinyomit ngin bobo." Amen. Eebo.

Ekapakina Emoyo aitodiar Akirot. Ido arai abu ijo ocam etal aiboisit naka Akirot...Kwana, ibala ijo ebe, "Eebo, iyuunit isio Ngin kere, konye, Onac Branham, ajeni eong ebe mam isio iyuunit Na." Akepolou nepepen ibwouna ijo.

81 Ekayaiton kalimok eong apak adiopet ebe nges...ebe abala Ekayaiton ebe, araibo eyuunit eong ebe arai ekapolokiniton ajore loka adoketai major, ebala, "Ekayaiton kolot laiye, ejain ekapolokiniton ajore loka adoketai naka captain ngina ejai atwanare. Inomitai nges kede emuudu."

Abu ngesi kolot ngina, ido ajai captain autaanar. Aponi kiriikinai nges owema loka Red Cross, kosodi ngesi atemar ebe, "Captain."

Abu ngesi ongolia aokot nuebulubulas kosodi ngesi atemar, "Eebo, ipa." Kosodi ngol atemar, "Ijo nges irai echaplain."

"Eebo, ebala ngesi, "Ijai ijo atwanare, captain."

Ebala ngol ebe, "Ajani eong ngin."

Ebala ngesi ebe ijo irai Ekristayot?"

Ebala ebe, "Arai kolo eong."

Ebala ngesi, "Aibo abu ijo kojalakina Ngol, captain?" ebala ngesi ebe, "Idumakini ijo Ngol cut kanepe kijalakina ijo Nges." Edolit.

Ebala e-captain ebe, "Mam eong apedori aaitun."

Ebala ekayaiton ebe, "Ekoto ijo aaitun, imameotor ijo apak dimarai nepetai idakikan iarei ngaren, eipone loiutaanaror ijo." Aituk engaara, kolomununete aokot akitukuke ka aki, ido arasasin nuka emuudu kotomake. Ebala, "Ekoto ijo aisunyakini, ejaas ikoniukoi alelebun."

Kosodi e-captain ageun aumonokin, koperi kangina kwape autaanaror. Kobuni aiyalama toma oreeteke, ebala, "Ajani kwana eong."

Ebala, "Aibo abu ijo kojalakina Nges? Kogeu cut kanen."

Abu ngesi kotema, "Kwana iperik eong kwap ajotoor ngina nges abu eong ajalakina Ngol, ido ngina nges edumakini ngesi Ngol.

Nakisisianakina eriongetekus icebore yenimam ibecokina kede Akirot, kijalakinete yesi Nges kanepakanen. Obongutu cut kau, naarai ekukuran Ngesi aitodiar ka aitarauan Akirot ngin abeit. Ngun kes nuarai Yesu, eswamai duc akote naka Papa.Ianyu? Eebo.

82 Aso, itei ijo, amisiikin naka erionget loka Nikodemo mam arai ibore kaneejai Edeke. Kwana, mamace karaida arai ngesi lokapolon kwape kinyaritor oni ngin, kotoma orionget, esisianakina kotoma Isirael, aisisiake kere ka aijen mam arai ibore [Odoikini Onac Branham ikebokor-Ekewa.] neabwaounia ngesi koingaren naka Kristo, aitoronet bon. Kwana, inoma ber ijo kere ebalas ebe, "Papa lokalaunan, Nikodemo. Papa lokalaunan, Nikodemo. Itukumonokin isio ijo, ipa." Konye neabu Yesu, abwoi ngesi koingaren naka Edeke, abu Ngol kitoron nges kanuka akemamus aijen. Aso koomoom do ijo kere luelosete nen, kimurwok! Ijoba, alototo neejai Edeke. Edolit ngin. Eebo.

Karaida amisiikin nakapolon naka Kora mam arai ibore, arai naka Adam, nginidiopet aigir Aisiraret naitodiaritai naka Edeke. Kwana apupokisi ejok kwana, ilosi oni adolokin toma akipi nuikiara noi kotoma adakikat. Itei ijo, nginidiopet kotoma kakesi, ibore yenainakini kes elomarete toma ationis, Nikodemo, Kora, Nimurod, kaiceda, erai naarai mam kes apotu komisiikisi ekiyaka loka Edeke kede Akirot naitodiaritai naka apak. Kwana, idiotunganan kere ejeni ngun. Kwana, ipedori oni aiboi kotoma kangin adaun apak naeaja. Konye edwarit Edeke kosodi alimun ebe ebuni icebore aiswamaun, iswamauni etunganan iriongeta, ainakin etunganan asipokin cut bec. Eyuunito kesi ebe ajai Mesia loabeit abunore. Oo, Iyudayan ngul, oo, ikatunga, abeit cut! Konye neabunio Yesu koipone kalo kobu kobunio, apotu kesi kotemasi ebe, "Mam ngol epedori araun Ngesi." Okurokini kes amisiikin Akirot. Kwana, mam Yesu abu kobu kitegelikina kede Akirot (biai abu Ngesi abu kobu kitegelikina?), konye abu Ngesi kobu kitegelikina kede ejule loka erionget loka Akirot. Mam Musa abu kobu kitegelikina kede Akirot, abu ngesi kobu cut ibecokina kede Akirot; konye abu Kora kokurwok aanyun ngin. Ido kere anatar arai duc koipone kangol.

83 Kwana kosesen. Mam Aisiraret na naka apak epedori araut ibore yenebalare ebe, "kijaar isio Abeit ido kijaar isio na, ngin," ekoto kodwaritete kotoma Akirotoke! Ido akaulo nakitolomunere Akirot, akoto kitodiaritete ejok kede Akirot.

Etodiaritai Yesu ejok Edeke, kede Akirot. Abala Ngesi ebe, "Korai ti yesi kojenete Musa, ti yesi ijenete nuka Akapak." Eebo biai inabin apotu kinerito Nukeng, eebo inabin kere eneras nuarai Ngesi. Konye kereka abu ngin kitumudak ngul, mam kes apedorete amisiikin ngin. Ianyu? Konye abala Yesu ebe...Ido mam

Eong...

Akoto eong alimun nu kanuka ateepeu, ido kanukus, da. itei ijo, ekiyafia kede Aisiraret naka apak!

84 Kwana, arai kilot ijo, ebalas luka Seventh-day Adventist ebe, "Kidum oni ngin, koric ijo Asabato bon!" Kitodikinai eong ngin kotoma Nuiwadikaere. Abala amucalat Eddy Baker ebe ajaatar ngesi ngin. Kitodikinai eong ngin. Abalas luka Jehovah Witness ebe ajaatar kesi ngin. Kitodikinai eong ngin. Ianyu? Ebalas luka Methodist ebe ajaatar kesi. Kitodikinai eong. Ebalas luka Baptist ebe ajaatar kesi ngin. Kitodikinai eong. Kitodikinai eong ediorionget. Ajai eong aitogogongoikin yes ebe ejaas kesi, nginidiopet, kinga naka akote naka Edeke. Nginidiopet kotoma kakesi mam ibecokina, aisisianakin italesio luka itunga aiboisit naka Akirot naka Edeke. Mam eong ajeni ediopet kotoma kakesi loepedori acamun iboro luiwadikatai toma Obaibuli koipone kalo ejaar Ngin. Edolit ngin. Konye neetubunor icetunganan kosodi atemar, "Ajaatar eong Aisiraret naka apak," ibusakinit nges koanyunitete ejok nasodit ber ido kodwaritete sek abunore.

Nakeworo Yokana ekebatischen kokinga kangina, apotu kesi kotemas, "Ijo irai Kristo?"

Abu ngol kotema ebe, "Mam eong arai."

Ebalas, "Irai-irai-irai ijo Eliya?"

Ebala ngesi ebe "Mam eong arai."

Ebala ebe, "Ingaibo ijo?"

Apedori ngesi aitodiar ebe, ajaatar ngesi Aisiraret naka esawa. Abala ngesi, "Arai eong eporoto loka ngol loiworoi kamoding, kwape abalar enabi Isaia. Kwana, arai mam akaurio ka aijar eputos kede ngin, mam-mam ijaunete eong."

85 Neabunio Yesu, arai ibore ngipengin, ibore ngipengin. Ekiyafia kede Aisiraret, ekoto korai Aisiraret naadwaritai sek Edeke. Kosodi do Edeke, kinera kotoma okiyafia kalo, aitogogong ebe erai Abeit. Yesi ipupete ngin? Yesi imisiikinito ngin? Komisiikisi ngin! Ibusakinit Korai EBAKA EJAKAIT KWANATA, kodwaritete sek. Kosodi ekiyafia kede Aisiraret, ekoto korai cut bec nuenerit Edeke ebe apote aiswamaun kotoma apaka kangin.

Koipone kangol nges ajaar Musa. Ngin nges apolou naebirokinor ngesi akonyen nuka Edeke kosodi atemar, "Edeke Ijo nges abu kijuk eong."

Abala Ngesi ebe, "Kotikar kotoma atukos kangin."

Ianyu ijo nuapleikinit eong? Araun duc ibore ngin nges ejer aomisio nuka etunganan, abu kolema kes kinga naka akote naka Edeke. Kwana, kiitu, kineritete sek kotoma Akirotoke ido kotogogongotete ejok kede Akekirot. Kwana, abala Yesu ebe, "Arai mam Eong eswamai aswamisio nu...nuka Edeke, mam kiyuunete Eong. Koanyutu arai alokonyikit Eong...Ebala, ingai epedori aitubokin Eong kanuka adiakar? Ingai kotoma kayesi epedori aitodikin Eong ebe arai Eong lomam eyuunit?"

86 Abala Nikodemo ebe, "Ijeni isio ebe irai Ijo...Ekesisianakinan, loibunit kaneejai Edeke, naarai emamei etunganan loepedori aswam iboro ngul dimikito ejaas Edeke kanges." Ianyu? Abu kitodu ebe arai Ngesi eyuunan.

Kwana, ijeni oni akiro nukolo nuka ekanisa. Kwana konapakisi akopiiranakus nuka aoomoom. Mam ber apak eekarit, itei ijo, aso kopupok cut ejok kwana ido abuni eong aitam aisuburikit katipet kwape kapedoria eong. Akoto eong...Kopupok ejok ateepeu. Kwana idiotunganan yenesiomitor akiro nukolo nuka ekanisa, ejeni ebe apak nakasodit naetaraunere Ekristayone erionget, arai ekanisa loka Iromayon loka Atulik. Kwana, arai ejaas acepakio eroko ngin, akoto eong icetunganan ayangan akiro nukolo kasodi aitodikin eong. Arai eong epapero lokotau loka Paul Boyd, esisiak akiro nukolo sek lukapolok. Ajaatar eong kotoma aiboisitika naka aisisia kangina, iitabon luenyaritai The Post Nicene Council, The Nicene Coucil, Nicene Fathers, awadikaeta kere nukalaunak nuka ekanisa, nuajeni eong nukec. Ikar akaisauni ka luuni esisiai eong ngul, ererenenei eong kes. Amamei cut erionget. Ekanisa loka Atulik nges toto naka iriongeta. Ijeni oni ebe erai ngin abeit. Mam ekanisa itaraunitere erionget, ejaut kede ediini, kiton ekanisa loka Atulik. Ido akirot ebe Atulik akepolou ebe, "akwap kere." Ido eswamautu kesi ekanisa loka akwap loka ediini, kosodete aiswamaun ngol kotoma ayaite kere naka Rome, ido abu ngol nepetai ikama a-atutubet nakajokan naka akwap kotoma apak kangin. Arai ekanisa loka akwap, kosodi ngul lumam apedorete arimaar ngin aponi koarai. Airiamun naka Nicea, apaarasia atomon kalukany akaulo naka ejie loka abukor aokot, neapotu inabin lukabeit luka Edeke, neapotu kesi kobwaatar kokuju kangina kotoma ngul...

87 Ekanisa loka Atulik, inyobo abu kogeun nasodit, inyobo, oni kere ijeni ngun, esisianakit eong ngin kane. Eipone ali, teni, Akuila ka Pirisikila nges arai ecokon, Akuila nges arai ecokon loka-loka ekanisa loka Rome. Neabu Emoyo Lokalaunanan kodounia ko Pentekosit, abu kodoik neejaas Iyudayan kotoma kanginiteker kokwap naka akuj. Konye apaarasia adis akaulo naka ngun, abu Petero kodum aitapoet

kokuju naka etogo, alosit neejai Korunelio,' Eromayot, ekadoliton, kosodi ailip kosodi Emoyo Lokalaunan adoikin nges. Akaulo naka apak naedit kogeunete lukapolok ageun adumunun Ngol. Apotu akuila ka Pirisikila koloto Rome kosodete ngul araun erionget, arai, mam cut apotu korautu erionget, konye apotu kosipokisi ekanisa losodit loka Iromayon. Ido, nakeswamata kesi ngun, ajaatar kesi ikece-ikecenacan ka anacan.

88 Kosodi Claudius, kotoma apakike naka apugan, airengear Iyudayan kere ko Rome. Ido kotoma apak ngin cut nges abalar ekanisa loka Atulik loka Iromayon ebe ajai Petero Rome. Kitodikinai eong ekokoro ediopet lojaajar Petero Rome, arai adiokiro nukolo nuebelas ebe ajai ngol ngina. Mam nges ejaunar kwape kejaar kotoma Akirot naka Edeke, ido ngun kes eyuunit eong. Ido eipone ali apedoria Petero, Eyudayat, cut acamanar kede aima aputosia ka iboro luejaatar ngul, luka aima aputosia ka iboro? Aibo...Ianyu? Eipone ali tikeluikina ngesi aisisianakinike obe kane? Emamei ajokis. Mam ngin edeparit nueraas luka Protestant da. Kidarok, ibuni oni adolokin ngin kotoma paka naedit, mot mot, kitojok Ejakait. Koany. Koany kwana, idumuni oni ebe kotoma apak ngipengin naabalar ekanisa ebe ajai Petero Rome, ebalas akiro nukolo ebe abu Claudius (ido abala Ebaibulu da) kirengear Iyudayan kere ko Rome.

89 Kosodi Paul aitor toma Epeso kosodi abunor akwap naimukurur ngina, kodumuni ngesi ikesisia lu, ido ajai ngesi ngina kanu aipejokin Akuila ka Pirisikila. Akaulo naka akeceyoun, kosodete inacan luka Rome kotoma okanisa kalo ageun aiswamaun akeceomiso, kosodete kesi aiyatanakin aputosia. Kosodi do Constantine, loerai totoke Akristayot nakabeit ido komuno ebe ti eketelepat da eraun, konye arai ngol epugan. Ido abu ngol koany ebe luipu ko Rome, arai atutubet naepol naka ngin, naka atukot naka lukican, adaunito acamaun aitajario kotoma Kristo. Ido ageunito ajenar, naarai ajaas ngul alemar Venus kosodete aitobwo Maria, kosodete alemar Jupiter ka aibwaikin Petero, kaiceda koipone kangol ka-ka ikesisia, ido arai ngopengol nges ediini loajenara. Ido atiting noi. Atwakete kesi Ikristayon ngul!

90 Kosodi ekanisa loka Atulik atemar, "Isio kes irai ageunet." Erai ngin cut abeit bec, egeuna ekanisa loka Atulik kotoma apaaran naka Pentekosit. Konye nu kes apotu kolemasi nges kinga: abu ngesi koraun erionget kosodi airupakin (neejai Akirot) italesio. Ido etal lopac, yesi itunga luideparito ikar itomon lukapolou iitunito etal lopac: adokar kuju naka Maria, nepetai ikar itomon kau. Ecetal bobo iyatakinio okanisa. Aiboisit naka Naiwadikaere, erai etal! Ido einakinete kesi ijo amisiikin kwape kwana, kesi "mam epodosi nuebala Naiwadikaere, era inuebela ekanisa."

Kesi, abu esasedoti kalimok eong, ebe, "Ejai Edeke Okanisake."

Abu eong atema ebe, "Ejai Edeke toma Akirotokoe."

Ebala ebe, "Eebo, Ebaibuli ngol erai akiro nukolo nuka ekanisa loka Atulik loalingakini."

Abu eong atema ebe, "Akepolou arai do eong Etulikat lokolo." Abu eong atema, "Itarauni ngin eong etulikat adeapar ijo, araut esasedoti." Ianyu? Abu eong atema ebe, "Arai erai ngin kwangin, akepolou arai do eong ngol." Abu eong atema ebe, "Itei ijo eyuunit eong cut bec nuisisianakito ikiyakaia. Iyuunito yesi nueturaki etunganan tomake." Ido koipone kangol cut bec nges abu kolosio. Abeit cut, arai kwangin. Abu kolot kwangin, cut koipone kangol cut bec.

91 Kwana koany, akiro nukolo, kosodete kesi ageun aiyatanakin italesio, etal, ido neabunio Paul ngina, ijeni oni, kwape ejaar kotoma akiro nukolo, ebe mam nges ber abu kupejok ekanisa ngol losodit, naarai mam nges apedori atitingikin aima aputosia. Kosodi ngesi aipejokin ekanisa lokiareit loapotu kesi kosipokinito, ekanisa lokiareit lo Rome.

Ido nakebunio Airiamun ngin naka Nicea, neabu Constantine koanyunia aomisioit naka aimorikikin akabakanutuke. Ibore ngipengin yenabu Akab ka Yesebel kiswmata, adukokin kokwap kangina. Ianyu? Ido neanyunia ngol aomisioit naka aimorikikin iketunga kosodi aiswamaun akwap nakapolon naegogong kotomake, abu ngol koomoom alemun ekecediini, aso abu ngesi kiswamaik ngul ekanisa loka ediini loka akwap. Ido neapotu kesi kojaunotor kede Airiamun naka Nicea, kosodete aingiseta nu alomun arai ajai Edeke ediopet bon, araibo iuni; arai ebeit kes aibatis kokiror loka Yesu Kristo, araibo Papa, Okoku, ka Emoyo Lokalaunan; aingiseta nuce nu kere nuaponi kitolomunai komeesa kangina. Ido neeswamaunotor ngun, ice kotoma onabin kangul lumojong apotu konyoutu kangina komamei idiobore dimarai imukulen luka amerekekin etoronokitai, ido konyamete ikwi. Cut! Konye adaunito lukapolou ngul ajakun ekecerot kotoma okanisa, apotu kogolosi ngul kede acoa naka akwap. Konye ajaatar ngul EBALA EJAKAIT KWANATA. Abu ekanisa ngol koloma toma amuton naka ekapirione adaun nepetai ikar elukumit.

Konye abu kolom bobo, kosodi apoloor. Edolit ngin. Mam ijo ipedori aiar Ngin. "Ebala Ejakait ebe, enyakakin Eong, ikar kere luapotu iboro lu konyamasi."

92 Apotu idiinin kiyatanakis italesio. Ido awam nu, aiyatanakin aisisianakineta, eipone ediopet bon loepedoria ediokanisa, eipone ediopet bon loepedoria edidiini aikunyar awai kama ejai Akirot naka Edeke, nges aiatanakin aisisianakineta aiboisit naka Nuiwadikaere nukalanak, nges aitam aiswamaun etalekus arai aisisianakin naka ekanisakus, karaida kitegelikina kede Naiwadikaere. Eipone bodo ali ipedoria ijo

atubokin ekanisa loka Atulik, kojaas bobo yesi da aswam ibore ngipengin? Imisiikisi yesi? Eebo. Koomoom ber ijo, Nuiwadikaere mam ibironoros! Etal erai aingal, kageunet ber da. Ido nakicamuniata yesi ediini, idautu yesi adumun etal, naarai erai icebore yeniaatakinitai. Mam erai Naiwadikaere. Emamei kotoma Naiwadikaere. Emamei kotoma Naiwadikaere

93 Emamei ibore ngin kwape ebe erionget. Mam Yesu abala ebe, "Eyakiari Eong yesi alosit akwapisinei kere, kiswamautu iriongeta." Mam, ipa, emamei ibore kwape kangin! Aswam nu nges ainger Nuiwadikaere nukalaunak. Nakeswamaere na, aponi kijulakinai anyoun "Okanisa kanuka aurio" kiton "okanisa kanuka isaalan ka italesio." Mere ekanisa, ber eong elip aitimio; aibosit naeperio! Kiurikinio ijo Okanisa, konye ilomari ijo aibosit nakepedorio naka Methosit. Mam erai ekanisa lo Baptist, ekanisa loka Methodist, ekanisa lo Pentekosit. Erai aibosit naeperio naka Baptist, aiboisit naeperio naka Pentekosit, ka aiboisit naeperio naka Methodsit, ilomari ijo tomakec. Mam ijo ipedori alomar Okanisa alomar. Emamei ibore kwape kangin. Kiurikinio ijo toma Ngol. Aponi kolimokinai Nikodemo ngun. Aso itei ijo aibodo ijaas yesi? Oo, ikatunga!

Ngin nges apolou etepegitor eong ngin. Mam eong asurokinit itunga lukotomake; erai eswamae nges etepegit eong. Naarai mam kes epedorete...Ediopet kotoma omakio kangul arai icebore, ediopet toma okanisan kangul alimonokin icebore yenejai Obaibuli yenitepegit aisisianakin ngin, abalua ngin naejaatar kesi okanisa, elemario katipet koipone kangol. Eebo, ipa. Ice kotoma kakesi eroko noi ebe mam epedorete acamakin karaida aisikwarunio kajeejai ekanisa ece arai mam erai ediopet kotoma otungakec obe. Inyobo, eraas kesi...

94 Alosi icetunganan apak adiopet ainakin ekalimonokinan...Kanepekane kotoma akwap kana, ekalimonokinan loamojongit kebwoi kane korot, komonyi ido kingaingaitoi kanuka aitoronokin, ido kobala ebe. "Kopotu, kodumutu Kristo, kilelebunos kede Emoyo Lokalaunan," ka iboro koipone kangol. Kosodi icetunganan yenalomunit korionget lo Pentekosit anyoun kosodi ainakin etunganan ngol edola kakaninike, ido ajai alosit aitoronokin naarai abu ngesi kiswama adoteu neejai ekekanisa. Kiner nuikamunito Atulik! Eebo. Ido ijeni ijo neenera eong nuke, da; erai neejai ekanisa lo, ejaas aceda. Eebo.

95 Kiswama na, aigir Naiwadikaere, nakiswamaere na, ijulakin do nakiyatakina ijo aisisianakin ido kiloma ijo orionget, idau ijo acamun ekonital losodit, naarai mam ngin imoyoikit, aso erai icebore yenyatakinitai, ido etal nges icebore yenyatakinitai. Eebo. Nakiswamaere na akepolou ijulakin ngin anyoun "Okanisa kanuka aurio" kiton "togo loeperio kanuka isaalan ka italesio." Naarai, itei ijo, erai aisisianakin naepaarit alopet, kwape eraar namam Iwadikatai.

Kwana, mam Yesu abala ebe, "Kolototo akwapesinei kere kosodete aiswamaun irionget, kolototo otukonokisi itunga nepepe." Abala Ngesi ebe, "Kilototo kitarautu ikesisiak." Yesi iyuunito ngin? [Kotemari atukos ebe "Amen."-Ekewa.] Amen. Aso, itei ijo, ijai do ijo kinga noi.

96 Kopupok, kosesen kane. Agolokisi kede icebore kane, aibubukin icebore kwape ejok kotom apak kana. Imwaas bo ai ejaas kede eitabo loka Iyananin loenyaritai lexicon, The Emphatic Diaglott anyoun oitabo lomojong, Ayonanin? Eebo, kosiom ngol, kodum ekewadikan edio loikoto ijo. Kolot aiboisit nakidarere iitabon kosodi alemun Lexicon, lexicon loka Ayonanin. Kosiom Apukokinio 17, ido kisiom ijo nen, ebalu Ebaibuli koka King James kane ido nu, "Abu kadaka eong amoding kotoma Omoyo; kaany da aberu iboie kotiang loereng, loileleba ikiroria luka ainyanakin." Kwana ngun kes abala King James. Konye abala aijulunet naasodit ebe:

...kadaka eong awai kotoma omoyo...kasodi eong aanyun aberu...eleleba ikiroria lueinyanakinete

97 Ejai atiaketait naepol noi kiding "ikiroria luka ainyanakin" ka "ikiroria lueinyanakinete." Kwana koany. Imisiikinit oni kere ido kijeni ebe arai ngol ekanisa lo Rome nges iboie kokuju naka irongan ikanyaare, koyaite apedorosio nuka akwap. Ido anyaritai ngin ebe "naadote," ido arai ngesi "toto naka nudotea." Inyobo? Inyobo amalayat? Epedori kereka korai ekiliokit? Ekoto korai aberu. Aso arai erai aberu, ekoto do korai ekanisa; arai ngin toto naka nudotea, nuaputos kwape ajaar ngesi. Ido koany, kossesen, "Tomake!" koloma na toma. Tomake ajaas ikiroria lueinyanakinete." Inyobo ngin? Kwana ijaanakinak kane ka luejaas ateepu, inapakinokos ber yesi. Anibo ikiroria lueinyanakinete? Methodist, Presbyterian, Lutheran, Pentekosit, kaiceda. Ikiro lueinyanakinete, naarai erai erionget, adoteu mama ejai Edeke, kwape ajaar ngin.

98 Ido kes, kotoma atukosia kangun, ebalas itunga ebe, "Inyobo, erai ngesi loka Methodist, ido iswamai nu. Erai ngesi lo Pentekosit iswamai nu. Erai ngesi loka Presbyterian, iswamai nu." Iswamaete kesi nginibore kere yenejai, ijenete yesi ngun. Ido inyobo ngin? Ikiroria luabeit araut lueputosi kede Kristo kosodete anyarao kokiror loka Ikristayon, ido eraas ikiroria lueinyanakinete! Mam kes eraas ikanisan. Enyaritai kesi erono ebe, "ekanisa." Eraas kesi itogoi lueperio! Kwana ipedori ijo aanyun apolou naetepegitor eong iriongeta? Mere itunga, eswamae loka erionget. Itei ijo, enyaritai kes erono ebe ikanisan. Ekanisa loka Methodist, ekanisa loka Baptist, ekanisa loka Presbyterian, ekanisa loka Pentekosit, ekanisa loka Lutheran, ekanisa loka United Brethren, emamei ibore kwape kangin. Mam ngin erai Naiwadikaere.

Ejai Ekanisa ediopet bon, ido mam ijo ipedori alomar tomake alomar. Kiurikinio ijo tomake. Isekikinitai ijo sek neejai Ngol. Akuan naka aiyeeya naka Yesu Kristo kane kotoma akwap, kede Akirot itodiaritai. Odwe ka adwe nuka Edeke, mam eraas luka edio kotoma ngul. "Kolomutu kamakec," Abala Ngesi. Eebo.

Kosesen, katipet kwana. Mam eong akoto aimusung yesi, konye kiinakisi yesi eong idakan idis aiyatakin kwana, abuni eong alosit katipet kwape kapedoria, konye akoto eong yesi ejok cut amisiikin ngin, tetere mam yesi itwakiarete ngin. Ianyu?

99 Kiitu, Rome toto, aponi kodumunai kotomake, ileleba ikiroria lueinyanakinete, toto naka nudotea. Kosodi, arai eraas kesi nudotea, inyobo adote? Inyobo amalayat? Ibore idiopet kwape naadote. Erai aberu namam erai namunot neejai atutuket naka ekedukone. Ido edio kanisa loenyaraikina ebe erai Ekanisa loka Kristo, ido kongerite Akirot naka Edeke, mam ngol erai lomunot neejai aitutuket naka ekedukone! Akepolou iswamai do ngesi adoteu koipone kalo aiyatakin aisisianakin naka aingal, adoteu kede akwap kede akecoa, aiboisit naka acamun Kristo ka apedor naka Akejarun kanuka Emoyo Lokalaunan. Ido erai ngesi toto naka nudotea naabu kiswamate ibore ngipengin. Mam atido epedori anyara ebinika ebe "idigalat," ijeni ijo; itei ijo, ikanyakape luka idiopet, ka atutubet naka adazen naka nace. Ice kotoma otunga kalu ekerete kokenatar Atulik, ido kojai toma obore yeneputosi kede nginipengin ikulepek. Arai ngesi toto naka aibatisao naka aingal nakotoma akipi. Erai ngesi toto naka aanyunet naka aingal naka Emoyo Lokalaunan, itupakinito yesi cut nges. Kwana aanyutu.

"Erai tope ngin abeit, Onac Branaham?" Inapakin ber ijo mot."

100 Itei ijo, erai ngesi toto naka ikiroria lueinyanakinete, luka itogoi lueperio lualomanasi itunga, kosodete ayangaun amorosit, ejarete koipone edio kere, enapete luuriesik, angor kede itim luetubub, koculitete, owaoete kotoma okwayai, komasete esigala, kobilete emugaati, iponesio kere luka amodokok naka akwap, ido erai aitguikinet neejai lomam iyuunit. Mam kereka Tomoteo inera nuke, Emoyo Lokalaunan? Koany. Itei ijo, ngin, Rome, nges erai toto naka nginidiopet kotoma kakesi. Ianyu? Apotu yesi kiswamata kodiinikus cut bec nuabu ngin kiswama aitolomun aisisianakin naka aingal aiboisit naka Akirot, naarai abu atukos naka itunga iboikinos nepepe, imakio ka ikaanyanarak kaiceda apotu kotemas ebe ajai ajaun koipone kalo, ido ngun cut bec kes apotu kiswamaunos ko Rome. Kosodi ijo aitam ebe, ecokon onaceka, ocam Akirot naka Edeke naileleba, kosodi, aanyun neibuni ijo alosit, ilosi ijo kaitebeikin kinga naka ekek! Kwana ibuni oni aanyun arai abu Edeke kolimok ijo, arai mam, kotoma adakikan adis. Ianyu? Eebo.

101 Itei ijo, erai ngin toto naka nginidiopet, naarai nges naasodit alemar aiwadikaeta naka Naiwadikaere kosodi aiyatakin aingal, naarai abu ngesi konger inabin luenyonyoikinitai luajaas kede ajar naetodiara kede Akirot. Kanuka akececoa, ka itunga luecobe, ayaitok luka Iromayon, kaiceda, luapotu kocamutu Ekristayone, konye okotosi...acamun ngol kotoma koiponekec ikulepek. Ianyu? Edolit ngin. Ekotosi kesi ngol koiponekec ikulepek.

Akoto Naaman angaleun atapon kotoma akipi nuka akwapuke, mam ngesi aminakito akipi numodok nuka Yorodan. Konye arai akoto ngesi angaleun atapon, ajai ngesi alosit ngina akipi ngun numodok cut bec kwape alimokinitor nges enabi. Itei ijo, mam Edeke eyongit itunga.

102 Koany, arai ngol ediini losodit. Kosesen asdweke, apotu kiswamata ibore ngipengin, apotu kiyatanakisi italesioa ka aisisiakineta nuka aingal aiboisit naka Akirot. Mam ilimokini eong; kitodikinai ediopet lomam ejai kinga naka Ngin. Kitodikinai eong ecokon adiopet loebuni acamun Abeit, ebe mam kes epote arengear ijo kinga kanuka ngin, arai mam ijo ijenera ebe, ijeni ijo, edongakinos kesi neijai ijo kanuka ajenarakon arai icebore. Edolit ngin.

103 Kwana ongolia ber ijo Apukokinio 18, kanu idakikan idis, ekokoro loetupakini kalije, esula loetupakini, akaulo naka Apukokinio 17 adaun apukor kosodi-kosodi aitodiar aiyeiyea naka Amucalat kana Babulon. Esulo lo 17 loka Apukokinio itetemunit ebe erai ngol ekanisa loiboie kokuju naka irongan ikanykaarei, Ere loka Vatican, loeyait akabakanuto kere nuka akwap (erai ngin cut abeit naedolit), ka ikapolok luka akwapin da, kaiceda. U-hu. Aso, konye ejai ngesi ngina, kotingite abar naka akekwap kakanike. Ibecokina ngin. "Ingai epedori aitiji nges?" Edolit ngin. Oni kere ijeni ngun. Konye inyobodo ti ikotor ijo ajaut neejai ibore yenekodakina kede nges? Kwana koany kotoma osula lo 18, esula lopetupakit akaulo naetetemunere aiyeiyea. "Iboie kotoma oyekalu loka Edeke." Kwana, kane, kapaaran kaya...

104 Zella Braitman ijo ijai ne atibong na, Zella? Abu ngin kogwel, ejai toma agola ngina toma ngina kwana, apapula naiyemuto naenyaritai Our Sunday Visitor, apapula naka Atulik. Ido ajai apapula naka atulik abongonokin ejaanakinan. Ebal, "Ibala ijo ebe, ekimat, loabu e...Kotoma onaabai luka Iromayon luejaas kuju naka Vatican, arai eicolong loka Ipaapa, iwadikatai ebe 'Vicarvis Filii Dei,' naerai akepolou ebe, ebe ngin," kotoma aicokis naka Atulik kangina, "ebe erai ngin e-enaaba loka etiang loemudiari?"

"Inyobo," ebal ngesi ebe, "cut, erai. Erai cut bec, amaruni cut akwatakanykape akaisakanykape ka lulanykape. Erai cut becebec." Icamunit aicokis naka Iromayon ebe, imaruni ba. Konye na nges abongokinet, acobeu, acoa naileleba, ebal, "Konye, ijeni ijo, ekonikiror kotoma angejep ace epedori aitetemun ibore ngipengin."

Abu etunganan lo kotema ebe, "Loka, nepetai ibore ngipengin kotoma angajep ace." Kosodi ngesi aimarunun anyukutan. Ebala, "Itei ijo, eong da ayapikinit akwatakanykape akaisakanykape ka lukanykape." Ebala "Ejaas akwat nuka ngul." Ebala, "Nginipak nakenyounia idiobore, ejaatar icetunganan akwatakanykape akaisakanykape ka lukanykape." Ebala ebe, Ekimat, "Ijo ijeni ebe ekonikiror kotoma angajep ace epedori aruun ebe lokasurup loka Kristo?" Ebala ebe, "Inyobo isesena ijo iboro kwape kangul?" Kosesen acoa.

105 Konye Emoyo Lokalaunan nges ejeni ejok. Kosesen. Epedori ngin korai kwangin, epedori ekakiror aimarun akwatakanykape akaisakanykape ka lukanykape, konye mam eong ebecokin kede nuce akiro kere. Mam eong eboie kokuju naka erongat. Mam eong enera iboro lu. Mam eong arai akayaiton, itei ijo. Edolit ngin. Ngol nges loinera Ngesi nuke. Aso akonicoa naka akwap mam eraun ibore, ipa, edolit ngin, kakonyen nuka Emoyo Lokalaunan. Mam eong ebecokina nuce kere, konye ibecokina ngol. "Iboie koyekalu loka Edeke, itodiara bon ebe erai ngesi Edeke, ido iboie kokuju naka irongan ikanykaarei." Mam eong eboie kokuju naka irongan ikanykaarei, imarun ngesi akwatakanykape akaisakanykape ka lukanykape. Mam eong ebecokina nuce kere, konye nges ibecokina. Itei ijo, ikoni nen. Ianyu? Aso ogongakin neejai Emoyo Lokalaunan, "Mam ipodos nuineras, naarai mam erai nakus einer; erai Papa."

106 Aso eipone ali epedoria akonicoa ka Auriokon nakitetet aitirianio kede iboro lu kane kotoma akwap, acudak luitwasamaete acoasinei (magicians) lu-lu lukapedor kotomake? Inyobo, ejenete kesi nginimokorat ka esooda. Eipone ali apedoria Musa atitingikin neabu ngesi kotupakina aicorakineta nuka Edeke, acakakin ebela kwap kosodi aijulakin araun emun, opote acudak da kosodete aswam ibore ngipengin? Konye abu Musa kosalak etiting, kojoni ebe atupit ngesi Akirot naka Edeke, kosodi ekemun ailikor luce kwi kere. Ianyu? Aso kirima ijo kosodi adumu... Inyobo tikiswama ngesi neengarenikina ngesi ngul alosit akwap naka aisumunet, ido kojai angolol narengan elukakinit kes toma, konye abu erot loka Edeke kolot aitor cut tomake. Amen. Ebala, "Kotitingor, kosodi aanyun Aibuses naka Edeke!"

Nakejaar toma orot loka epelu, loka atupit Akirot, kobwo kanen kosodi asesen ngin engaar. Amen. Arai eong lokapolou nakaikar akaisakany ka luuni, ajai ejaanakini Edeke nepetai adaun ikar akaisauni ka luuni, korai ti eong ajaatar ikar imilioni itomon kanu aijaanakin Nges. Mam ber eong aanyunitor Nges ekurwokini, nakericitere Akekirot. Edolit ngin.

107 Kwana kosesen, katipet akaulo naka akediakar, aponi akeiyeyea kojenuai. Kijaun oni kede ngun apak naeaja kau, ijeni oni ngin.

Kwana esula loetupakini, kosesen Apukokinio 18. Eong ber apoku ber ngol ipak edit. Epedori korai ibore yenajokan, mam eyangaikini oni aojau dimarai idakikan idis bon, epedori aiswamaikin ijo icebore. Amuno eong ebe iswamaikini.

Kwana ianyuni oni kane, kotoma osula lo 17, ekokoro lo 5:

...iwadikatete da oreeteke ekiror loka aiyeiyea ebe, BABULON LOKAPOLON, TOTO NAKA NUDOTE, KA ITALESIO DA LUKA AKWAP.

Ido kopupok.

Abu kaany aberu ngin (ekanisa) emera aokot nuka lukalaunak ka aokot nuka ekajenak luka Yesu. Nakaanyunia nges abu kaumok aumokin naepol.

Itei ijo, nakaanyunia nges, arai nges eipone ibore yenapolon yenebus. Ido arai ngesi toto naka amalayan, ediiini lomalayay, iriongeta, cut bec nuabu ngesi kiswama, naarai apotu kesi kirupakisi aisisianakin naka aingal kwape abu nges cut kiswama. Kwana koany, koany Apukokinio kwana, esula lo 17, engetakini kede ekokoro lo 18.

108 Kwana kosesen.

...akaulo kangun (akaulo najenunere aiyeiyeeke), akaulo kangun abu kaany emalaika ece ijiesuni kotoma akuj, ejai kapolou naepol;...

Kwana, kijesun ecekiyakia kwap, esula loetupakini, aponi kojenuai akeiyeyea. Kwana, erai kwana na ajenunio naka akeiyeyea ka aiyeiyea naka adweke. Itei ijo, imisiikinit do kwana oni cut ibore yenetarauni nges amalayat: naarai abu ngesi iswama adoteu kama ejai Akirot naka Edeke. Ido ngin nges abu itarau nges erionget. Mam nges apedori asalakin erai ekanisa loka Ebaibuli kosodi acamun ngun. Ido kwape kwangin da erionget edio lomam eyangari kangin Akirot naka Ngin (koipone loiwadikaterere Ngin) mam epedori araun ekanisa loka Akirot. Ido emamei ediokakesi koipone kangol, luajeni eong idiobore yenikamunit, mam ediopet da. Aso ngina, itei ijo, napekaraunor ngesi erionget, ibore yeniswamai ngesi, (kanuka Naiwadikaere ka aitogogonget) etwani ngesi kanepakanen, napekecamunia ngesi etal. Kwana koany, ngun kes apotu kiswamaunos.

109 Abu Edeke ijuk, kotoma osula lo 18, emalaika lokapolou naepol, akaulo naajenunere aiyeiyea ngin,

emalaika lokapolou naepol, arai, ekiyakia. Koany kane.

...akaulo kangun abu kaany emalaika ece ijusun kotoma akuj, ejai kapolou naepol, kitacau aibusesuke akwap.

Kiworo keporoto loegogong ebe...Ebiror, ebiror Babulon (aitolitoluna) lokapolon...Araun aiboisit naiboito ajokin...ka aidaris naka imoyon lueroko, aidaris da naka nginikweny yenerono yenelaitai.

Naarai ebiroros atekerin kere kanuka ebino loka adedeng naka adoteuke, adoteata da ikabakan luka akwap kanges, abarata da ikagwelanarak luka akwap kanuka agogong naka eporotoke.

110 Koany, katipet akaulo naapukorere aiyeiyeake, loarai ngesi, nuarai ngesi, nuaraas adweke, edaun aitejenun aiyeiyea, kijukuni do Edeke emalaika, ekiyakia kanu (inyo?) aiworoor, "Kolomutu kinga!" Aisiraret naka apak!

...Kolomutu kotomakeng, ikatunga, kinyeis ainakinio aitakanetake...

Elosi Ngesi aiken ngin. Kosenen.

Kolomutu kotomakeng! Abu Edeke ijuk loapol...emalaika lokapolou naepol, arai, ekiyakia. Ido mam Aicake ajai osooda, abu kisiarakin airiam akwap kere. Kolomutu kotomakeng! Inyobo? Nges kede akenacan, da. Kanu aitacaun akwap, kosodi anyaraun Iketunga kere kinga naka ngin. Kwana, ijenete yesi ebe erai ngin Abeit. Aponi kijukunai emalaika kotoma Akuj, kanu anyaraun itunga luka Edeke kinga naka Babulon. Kosodi Aicaake acaikin akwap kere, Emoyo Lokalaunan lokaumokin.

111 Koany, abala Ebaibuli ebe, "Erai ngesi abua, ido ekamumit ikweny luelaitai, luaronok." Mere imorukaalei, kwana, mam, mam, mam, mam. Anyamak akiring, "Ikweny lukaronok, luelaitai," ngul kes etukokit ngesi nekeng. Erai ngesi abua naileleba ngul, abua kere ileleba. Kede inyo? "Ikiroria lueinyanakinete," ekolokina kede Naiwadikaere. Timoteo Lokiareit 3 ebala, Emoyo Lokalaunan inera, "Kotoma apaarasia nukawasia etiakatiakaunos ice ainyein aiyuun ido epupete imoyon luepaarete." Bobo da, abu Emoyo Lokalaunan kiner; "Ebe kotoma apaarasia nuepote eraunos itunga luiketara, luemositos." Lumam eminas: "Kisirereng Edeke, irai ijo lokosi, arai imameotor ijo akonikiror kotoma otabokosi, ioliorit ijo." Umm. Lumam eminas! Lumam elaete! Umm. Aomit eong mam eong ajai aimusung, amuno eong ebe ajai eong aswam ejok. Lumam eminas, ikweny lumam elaete, engadat ngesi ngul.

112 Kiitu ebe, erai Edeke Emorukaalet. Abu Ngesi konyara Akekuan Emorukaalet. Ido abu ngesi konyara Yakob emorukaalet. Ido irai oni Ikemorukaalei ludidik. Amen. Abu Ngesi konyara Ikenabin "imorukaalei." Ido abu emalaika lo kobu kwap kanu aisideleleun ka anyaraun kinga!

Kwapa akaisiraret naikamunit Emorukaalet Iwelewelaari Eketogo. Imorukaalet ngin yenididi yenatupit akokor ngin namojong kotogo loidarere ikweny apak kere, ikutikuti, konye mam nges apedori ainyam iboro ngul luajaatar ngin, aimat, ka angor nueculitos ireetin, kotubito itim, ka luuriesik. Mam ngol apedori aswam ngun. Konye mam nges ajeni idiobore kere bobo dimarai aikutukut naka akokor. Konye apak adiopet abu amorukaalet naberu kodum nges. Abu ngin komanyak, kiworote nges kinga, ebala, "Okoku, mam ijo irai idiopet kotoma kakesi. Kolom kamakeng!"

Ebala, "Toto, eswama anyoika?"

Ebala, "Ibwapabwap akonibebenoka kosodi ageun." Asomunet nasodit, abu ngesi konangakin opirit, cut kokiding naka erionget. Ebala, "Okoku, ejaun ijo aikeun kuju adepar nen arai mam mam do eong apedori aikamun ijo. Ekoto ijo adakun akonikeje anyoun okwap." Elosi ngesi ayangar ngol apororia. Abu ngesi kojen ebe apedori ngesi aipor. Abu toto ngin kobu kanu anyaraun ngol kinga. Edolit ngin.

113 Konye Toto Babulon na abu kotukok atukos naka akokoroi, imio luerurut, lueculul, itim luetutub, konyaraikina bon ebe "Kristoyon." Ejaatar ngesi abua naeleleba ngul. Yesi ikalimonokinak luibwoete kolutaari kosodete acamakin angor ngun ainyikokin kede ngun, irumata yesi ileic, kanu aiyat ekusidiini. Ebuni Edeke aimarakin ngun akanikon. Kolomutu kotomakeng! "Akamerekekin epupete ekaporoto." Abua naka luelaitai, luiketara, luemositos, lueminas aitelelelio adepar amin Edeke, ekotosi kesi aput kede akwapin itia aput kede Kristo. Nakianyunia ijo aberu naeculit akuan noi, elosi ngin aitodikin ijo ebe eorori kotoma. Erai naingalai kotoma. Edolit ngin cut bec. Arai aberu...Abu aong aanyu adiopet apak kaya, kede itim luliba, eebo, kede ebore ngol kere lokakwangin kakonyenekec.

114 Kwana, arai-arai imamoetor ijo idiotim, ido okoto ijo ainap idisitim, ebuni ngin araut naejok, konye, konap naesubit bala etunganan. Ido arai imameotor ijo adiobebekeka, ido-ido okoto ijo adumun adisibebekeka, mam idumuni ngun nuesubito bala abokoya nuka emaroge loeonit, kodum-kodum abelekeka nukabeit. Arai imameotor ijo idiobore kotoma ngul, edolit ngin. Arai emameete ijo icekel, kodum ice arai kismamaikin ijo ice, kodum ngul. Konye mam ipakari ikelakon lueinakinit ijo Edeke naarai imagululos mot,

ido eraas kesi ikel lukajokak, kanu adumun ice. Mam iculi itimakon, arai idiobore, kosodi aisub bala icebore yenelomunit orit ece kanenice. Mam...Arai emamei ijo eriagi, ido ikoto ijo ainakin akonikuan aisub bala ejai ijo da eriagi ece, ejok ngin, aomit eong. Konye mam iinakini akonikuan aisub bala Yesebel, kosubite bala edula kanenice loeculitai.

115 Kosodi yes inacan luka Penetekosit, acamakin angor ngun aitub itimakec, konye kobala Ebaibuli ebe akeibuses ngin! Ido mam ber ejok da aberu ailip ikote iketim kwangin. Kosodete acamakin angor ngun abunore olutaari kosodete alimonokin Eijiri, awoere kotoma okwaya, aisisianakin atukot naka idwe naka Naesabiiti. Kirumata yes ileic! Ibusakinit yes kirumata ileic kanukus. Inyobo einakinit eong etepegit iriongeta? Iomit ijo ebe apedori eong acamun ibore kwape akangin? Ajeni eong apolou nakiswamata yesi ngun onac. Ijenete yesi ejok, konye korai ti ijo aisisianakin itepeg ngin, ibelokinio ijo araun eyapiesi lokapolon, kosodete kesi airengeari ijo. Kisirerengitete Edeke kanuka akonititing arai iswama ijo ngin. Edolit ngin. Ebuni Edeke ainakin ijo ayongio.

116 Inyobo abu emalaika lo iswama? "Kolomutu kotomakeng!" Eebo, ipa. Abu emalaika lo kobu toma akwap, ido abunit ngesi ayangaun Aica, ido abu ngesi kocaik Aica anatar akwap. Arai ngesi emalaika lokapolou naepol. Ido abu ngesi kobu alimonokin Aisiraret naka "Alomun kokinga naka Babulon! Sirikitirosi iboroke lumam elaete!"

Ejaatar abua kere ileleba ngul. Ebalu, "Erai ngesi abua naka nginikweny yenelaitai." Eebo, ejaatar ngesi abua naileleba ngul kwana, Atukos naka akwap kere naka ikanisan, arai itogoi lueperio. Ejaatar ngesi atukos kere agolokina kwape kwana, ejaas kesi kere aimorikikin nepepe. Araun ngesi abua, eebo, ileleba ikweny luellaitai. Edolit ngin. Kotam ber ijo ainerakin kede ediopet kakesi apak adiopet, kotam ber ijo ngin, esapat, ecobe kotoma acoa naka akwap, konye mam ejenete idiobore yenikamunit Edeke kwape mam ipoo ejenia nuka amuka nuka akako. Edolit ngin. Ngesi ngin cut, itei ijo, ibore bon yenejenete kesi nges acoa epedorete kesi aibwaikin na kosodete aswam ngun kotoma kangina. Konye needolokina aijen Nges? Huu! Eebo, egolokinos abua kede akesisianakin. Ikanisan luka Protestant apotu ogeutu ngupengun, koraunos adweke, apotu koyangautu nu koipone kalo ainger Akiro. Ido nakicamunia aijo icebore yenejelgelara aiboisit naka Akiro, kinger ijo Ngin ijo elopet. Ido nakilomara ijo neejai ediopet kotoma kakesi, kinger ijo da Akiro. Mam Edeke ekoto ijo aswam koipone kangol, emamei aiboisit kanuka ngin kotoma Naiwadikaere.

117 Koany, erai lo emalaika loka Aica, kiitu, emalaika lokawasia, erai emalaika loka ekanisa kotoma atur naka ekanisa loka Laodikia. Erai emalaika loka Loadikia. Erai ekiyokia loka Laodikia, nges, erai lokawasia, naarai esula loetupakini nges esula lo 19, naarai abunore naka Ateran. Ido erai lo, kotoma Naiwadikaere, emalaika lokawasia lobu kubo ayanagaun Aica eroko abunore naka Ateran airiamun kede Kristo. Arai Atur naka Ekanisa loka Laodikia. Inyobo eswamai ekiyokia loka Atur naka Ekanisa loka Laodikia? Anyaraun itunga kinga naka Babulon! Koany! Ikamuna ikanisan kotoma abua naka aberu kangin, kede akesisianakin naka aingal, ongeritos Akiro kosodete acamun italesio. Lo nges emalaika loka Aica neejai Ekanisa loka Laodikia laobu kongerite Kristo ka Akekirot, kanuka aisisianakin naka aingal, kosodete airengear Ngol kinga. Kosodi Ngesi aibwo okek, ikongukungi, kotamite alomun toma. [Onangi Onac Branham elutaari-Ekewa.] Ianyu? Abu Atur naka Ekanisa konger Kristo, ido Kristo nges Akiro, ido abu ngol konger Ngin, ido ajai Ngesi kinga. Atur adiopet bon nakijaar Kristo kokinga, ikongukungi, kotamite alomun toma. [Onangi Onac Branham elutaari.] Ido Aisiraret naka emalaika kalo, abunit ekiyokia lo kama ejai Edeke, ajai aiworo Akesiraret kotoma akwap, kanu "Alomun kinga naka Babulon! Kolomutu kinga naka iriongeta!" Emoyo Lokalaunan lolo nges emalaika ngol loetamit ainyakar itunga neejai Akiro, naarai itogogongi Emoyo Lokalaunan Akiro bon. Mam epedori aitogogong etal, emamei ajar kotomakec. Erai Ngesi Ajar. Koany, abu Atur naka Ekanisa loka Loadikia konger Nges, kogiroto Nges, kosodete arutar Nges kinga.

118 Koany, emalaika lo nges ekiyokia lokawasia eroko abunore naka Kristo kotoma osula lo 19 loka Apukokinio. Eporoto loka ekiyokia! Arai kimisiik oni, neabu ngesi kijaikina Eporotoke kotoma akwap, ajai bobo Eporoto loabu kiworo kotoma Akuj, ekokoro lo 4, arai ikoto ijo aisiom ngol, ekokoro lo 4, nges arai Eporoto loaponi kiworooro kotoma Akuj. Inyobo aijulunet naka ekokoro kangol? Inyobo akepolou? Eporoto loka Edeke inera neejaas itunga luesekikinitai, kobala ebe, "Kolomutu kotomakeng!" Cut bec nuarai Eporoto! Ejaatar Ngesi itunga toma ngina, toma anatar Babulon kere. "Kolomutu kotomakeng, kinyekikis aimor adikanaretake," eebo, ipa, kinga naka aisisianakin kangin naka aingal ka isaalan, kiton neejai Emoyo loiswamaunit Akiro ka Ajar. Amen.

119 Koany, esula lo 19 nges etupakini, "Akaulo naka kangun." Ijo imisiikinit ebe kane kotoma osula lo 19, "Akaulo kangun"? Kosesen inyo? Akaulo naka inyo? Akaulo naka Aisiraret naka "Kolomutuu kotomakeng!" "Akaulo kangun," kosesen, "eporoto loepol loka lukalaunak luka Ateran, kede Eteran, elosete Odukone loka Imerekek." Iapie bodo oni biai, onac? Inyobo anyararet nakawasia? Kolomutu kotoma Babulon!"

Kwana, ikanacan, ngin nges apolou naetepegitor eong ngol. Mam erai loiwadikatai. Mam erai loibusakinit. Etogogongi araut aingal. Emammei Edeke kotomake, mam nges ejaunar, mam Nges ebuni ajaun. Kwana, mam eong abala ebe emameete itunga kotoma oriongeta kalu, nen nges eswamaunere ekanisa. Konye, anyoun nakisalakinitor ijo toma oswamae ngol, irai ijo atutubeteke.

120 Arai eboie eong ko United States, arai eong loka Amerika. Bon ebe arai eong etunganan loka akwap kangin arai emeeba loka United States, arai eong atutubeteke. Arai kalot eong Girimani kasodi aigir akaraut emeeba kane, mam bobo eong arai loka Amerika, arai eong lo Girimani. Ido arai kaloto eong Japan, arai adioboisit, Russia, araun eong etunganan loka ngina.

Ido nakimorikikinor ijo kede itunga...eswamae, kosodi araun etunganan loka eswamae kangol, ijai ijo aitodiar nuirai ijo. Ido kotoma apaarasia kanu nukawasia, ejai Edeke anyaraun itunga kinga naka ngol. Abala Ebaibuli kwangin, "Kolomutu kotomakeng, kinyeis amarakinio adiakanaaretake, ido esukunyuni Eong yes. Sirikitiros iboroke lumam elaete, itei ijo, ido esukunyuni Eong yesi. Ido iraunete ikadwe lusap ka lupesur, ido araun Eong Edekekus." Ianyu?

121 Ngin nges apolou enerar eong asurokin ekanisa, e-etogo loeperio. Mam eong apedori anyara ngol ebe ekanisa. Ejai Ekanisa ediopet bon, ngol nges Ekanisa loka Akuan naka Kristo. Konye itogoi lu lueperio luenyaritai ebe "ekanisa," elimokinit eong Ebaibulika ebe eraas kesi ikiroria lueinyanakinete, kes kere, iriongeta kere. Inyobo ijai oni ainyanakin? Ainyanakin nges ai, "aitepegit," arai "einer asurwokin." Neebalar Edeke ebe, "Kobua kouruun," kosodete kesi atemar, "Kobua kolom." Ianyu? Nakeyangarere aibatisao naka Emoyo koipone kalo aingal ebe nges ainyam imugaati kotoma okanisa loka Atulik, aijang akanin kotoma okanisa loka Protestant, kosodi asubanakineta kotoma okanisa lo Pentekosit aibosit naka Etunganan loka Kristo elomuni toma kede kere iboro luka opiramid luapotu oni esisiata apak kaya.

"Kiyatakis ajokis toma aiyuunikus," kaceda, kere nu kotoma Petero Losodit, lo 1...Petero Lokiareit, acamunit eong, esula lo 1, nekiyatakinere kere toma aiyuunikon, iboro lu kere, ajokis, ka aipioror, ka alaunit, ka nginibore kere, kosodi ijo aipucakinio kede Emoyo Lokalaunan.

122 Konye kwape icetunganan kesi...ineras kesi ebe ejaatar kesi nu konye komameotor, naarai isisianakinetai nges erono. Idumunete luka Methodist aipup naitegelikina, etapit, kosodete aijangijanga mot, arai-arai awoere kotoma Omoyo. Luka Pentekosit einer kotoma angajepa, arai-arai aswam idiobore yenisubanakin. Eyuunit eong iboro ngul, abeit cut, konye iboro ngul komameete luce lu emamei ajokis.

Kwape abalar eong apak kaya, esubit bala ekweny loenyaritai peacock...arai ekweny lorionon atamit anapakin ajul nuka peacock kotomake, arai ekuruk etamit anapakin ajul nuka ajele. Mam ngun epolounito kanen, abu ngesi irupak ngun tomake. Edupakinetai adupakin, eraas kesi ediini. Konye nakibwaikina Edeke idiobore toma ngina, erai ibore yenelomuni alomun. Iinakini ijo akonikuan atemar ebe, "Abu eong aloma okanisa akuar natubor. Mam bobo eong apedori alosit, mam bobo eong amasi ajon, mam bobo eong eswamai nu. Abu eong aloma okanisa." Itei ijo itamit ijo anapakin ajul nuka peacock toma akiring naka ekuruk. Edolit ngin. Ianyu? Ianyu? Ibusakinit ijo aurio irwan nakiareit! Ejai ijo adumun Kristo. Ido nakidumunia ijo Kristo, mam ijo ipedori adumun Kristo komam idumunit Akekirot, naarai erai Ngesi Akirot. Ido nekijaatar ijo aput naka ayongit Edeke, kosodi ainger Ngin, akepolou mam do eong ajeni. Ianyu? Ido ipedoret yesi asalakinit iras luka orionget loikoto ijo kosodi ajaut kede aput naka ayongit Edeke, kosodi asalakin imameete kede Ngin.

123 Kwana, eraas kesi, ipaperokus. Ngun kes akiro kere. Kisirereng Edeke yes. Kingarak Edeke yes. Mam eong alimunit nu kanu araut loetegelikina. Aijai eong aitetemun nukang. Kwape eraatar nu apaarasia nuka acamanar, mam eong ajai aicik akanin kanuka acamanar naka ainapakin kede yes ijaanakinak, mam cut, aomit eong ibusakinit yesi abunore kosodete acamanar kede eong; mere kede eong, konye kede Edeke, Akirot. Edolit ngin. Edolit ngin. Kiner nuinerit Ebaibuli, kolim Ngin koipone kalo elimunitor Ngol Ngin. Naarai abala Ebaibuli ebe, "Ingai elemari awai arai aiyatakin neejai Ngin." Ido itei ijo, erionget mam erai loiwadikatai, ido nakijaunia ijo aingal nasodit, ibuni do ijo aticepak abongor erot kere kau, naarai ebe ilam ijo ekokoro kanepakanen. Arai ibongu ijo neejai Aurio nakitetet, akepolou ibuni do ijo alosit kotoma Naiwadikaere.

124 Ido kilot ijo toma odiini, ebalas kesi ebe, "Ajeni eong, mam isio iyuunit Na. Isisianakini ekaanyanaran kosi kokanisakosi ebe irai isio ediopet kotoma okanisan lumojong. Mam isio isisianakini..." Mam eong apodo numam kes isisianakinete. Arai isisianakini Ebaibuli Ngin, Emoyo Lokalalaunan kotomakon ebuni aitanyam ijo kede Akirot. Mamace arai icobe ijo biai ido eipone loepedoria ngesi aitam aitetemun Ngin awai, epedorete kesi aitetem Ngin awai. Epedori ekapiirit alemun Ebaibuli kosodi atetem Edeke alemar awai kama ijai ijo.

Kanuka ngun emamei itunganan yenejaatar apedor alimonokin Eijiri arai mam nges ejauna, bala Musa, kokau kangina kotoma alupok nukalaunak neabu ngesi kede Edeke bon kobwaatar, keuruun etunganan irwan nakiareit kosodi aibwo kangina ereet kede ereet kede Edeke, kosodi ajenun. Enamei ekapiirit, emamei acoa, emamei aitetem, emamei loisiomit kotoma akwap loepedori alemar Ngin awai kotomakon. Ijai ijo ngina apak naeswamaunor! Eebo, ipa. Ijeni ijo nuapotu kiswamaunos.

Kosodi do ijo atemar, "Abu eong ajaunos kede eipone ejautene kangol, ido ajaatar eong emoyo kotomaka." Ido arai engerit ngol Akirot koipone edio, idumunit ijo emoyo lakaronon. Ibala ijo ebe, "Mam eong-eong apedor alosit neejaas iboro kwape Na. Ajeni bo eong, konye ekanisakosi..."U-hu, ejai emoyo lokaronon. Ngin nges amacaretekon naijenere ijo. Kain, imacari ijo. Eebo, ipa.

Abu Keba kobuonokin Akirot adiopet bon; mere kere nuabala Edeke, Akirot adiopet bon naedit, ido abu koyangau nginiriebo naka akou ka naka etau, ka atwanare, ka adiakar, ka ijiisinei, ka nginibore kere, nginities, nginiruo naka emotoka loenapi ikadekak, nginidekis naaponi kodukoi kanuka ikadekak. Akebuonokin Akirot naka Edeke adiopet bon naadit, nges abu koyangau nu kere. Ido aponi nges irengearai, konye kereka komam ti na abeit aismamaun. Eipone ali ilosio ijo alomar toma, kobuonokin Akirot adiopet naka Ngin? Ebalas, "Ajeni eong ebe ebalas Ngin Ngun, konye Ngin..." Epeleikinit Ngin ngupengun!

125 Kwana koany. Ebuni Edeke atubokin akwap kede icebore. Mam ijo ipedori ajaun kede etube dimarai ejai ber ijo ajaun kede ekisil nasodit. Ekoto kojai icebore, ejai ber ijo aibil icebore tetere ijo kitubokinio. Ianyu? Kosodi do mam etube epedori ajaun, ejok komamei aitisilaaret. Kwana, itei ijo, mam ijo ipedori ajaun kede ekisil toma oibuga loebala ebe "aitac idolai ikany kanu anakokit aica narengan," ido kobala ekisil loetupakini ebe "mam, elacakinia ngesi." Itei ijo, mam ijo ipedori aswam ngun. Aso mam ikisila iarei ipedorete ajaut nepepe kotoma apak adiopet. Ido ejai ekisil ediopet, Edeke ediopet, Eitabo ediopet, Kristo ediopet. Odaun. Aiyuun adiopet, amun adiopet. Odaun. Ngol nges Ebaibuli, Kristo.

Koany kwana, kotoma kana, arai ejaun icebore yeniyatakinio neejai Na, ekoto do korai etunganan nges iswamai ngun. Mam bobo epedori araut idiobore adepar...

126 Ido arai elosi Edeke atubokin akwap kede ekanisa, kwape ebalar Atulik, ido nuerai ekanisa loka Atulik nges elosi Ngesi atubokin ngin kede? Ejaas luipu luka ngul; ejai ediopet, loka Iromayon, ediopet, loka Iyonanin; ka, oo, ejaas iuni kere luegelegela. Ekanisa bodo ali loka Atulik elosio Ngesi atubokin ngin kede? Araibo, aticepak elosi Ngesi atubokin akwap kede Lutheran? Eebo, ido, kosodi aticepak atubokin ngin kede Presbyterian? Ianyu? Inyobodo elosi Ngesi aswam? Mam Nges elosi atubokin akwap kede ekanisa. Elosi Ngesi atubokin ngin kede Akekirot. Eebo, akepolou, mam Nges cut...

Itei ijo, mam Nges epedori aidarit atukos naka itunga, kwape ajaar aitapoet naka inac akaur kaya, abu Emoyo Lokalaunan obukun toma, abu kolot cut toma abokis. Abait cut, emamei ibore itingit Ngol. Erai itunganan idiopet. Einakinio kanu aitesegaar ekanisa, konye mam ngol epedori aidak Nges. Emamei erionget loepedori aidak Ngol. Odaun. Mam cut epedori aswama ngun. Ijaatar yesi nginibore kere toma ngina, ido mam yesi ipedorete aswam ngun. Mam erionget epedori aswam ngun. Konye erai idiopet nges ejaatar Emoyo Lokalaunan. Kwana komisiik.

127 Akepolou elosi Edeke atubokin akwap kede Akekirot, akepolou abeit cut edar Ngesi Ngin kosodi airic Ngin kotoma adoketait. Arai, arai emunauna Ngin kere, eipone bodo ali elosio Ngesi ayangaun Etube? Ianyu? Ekoto kojai icebore. Ido mam Nges abala ebe, "Idiotunganan, kede ekanisa." Abala Ngesi ebe, "Idiotunganan yenelemari Akirot adiopet kotoma Na, arai aiyatakin akirot adiopet neejai Ngin, elemario kwape kwangin (atutubeteke) kotoma Otabo loka Aijar." Aso, kaneajai eong, erai Edeke, Akekirot, ka etube. Kwana, arai atubok eong kasodi acamun Akirot, kasodi aanyun ebe abu Kristo kotwana kanuka, akepolou abuni do eong ailipun Akeijar alomun toma kasodi aingarenikin eong. Ido arai erai Akeijar nges Akirot, ido Nges abu iwadik Akirot, eipone ali epedoria Akekirot ajaut tomaka, ido abala eong ebe ajaatar Emoyo Lokalaunan, ido eyatanakini aisisianakin naka aingal aiboisit naka Akirot? Mam cut epedori aswam. Eipone ali apedoria eong aiyatakin ediini konye itoronite Ngesi ngol, kosodi aitogogong ngin, kosodi aitodun ngin kotoma akiro nukolo, ebe nginipak nearaunotor kesi erionget otwakete, komoyo? Oo, iyatanakinete kesi imeeban, abeit cut. Edolit ngin. Iyatanakinete kesi imeeban. Konye, komoyo, mam kes elosete nenidio. Kitodikinai eong, kolimokinai eong kotoma akiro nukolo neabu ekanisa lo...akaulo naka araun erionget, abu kotwana kanepakanen, kojalakini Emoyo Lokalaunan nges. Emameete bobo nukapedor ka aanyununeta, kosodi do ngol alosit cut toma aigurwikina.

128 Ngun cut bec kes apotu kiswamaikinos neejas ikanisanawok luka Pentekosit. Apotu kiswamata cut bec nuabu totokec kiswama. Kotoma ageunet, apotu kesi kolomutu kinga, kwape itunga luapotu kongeroto idiinin. Kwana, ice kotoma onacanakus luepupete ateepu na, ice kotoma kayesi ikiliok luimjongito, ijenete ebe ikar kau, ikar akaisaongon, akaisakany kau, arai tikinerakinos kesi kede yesi nuikamunito erionget, ebalas yesi ebe arai ainyanakin. Konye lolo ijaas yesi neejai ibore ngin yeniomitos sek yesi ebe arai ainyanakin. Yesi angor nuitubete itimakus kosodete aicul ireetinikus, totokus etoronit ngun, nakalaunan ngin najokan-najokan namojong naka Pentekosit. Inyobo abu kiswamaikin yes? Abala Paul, "Kipou yesi okereke ejok, inyobo kobu kitokokol yes?" Ianyu? Kokau kangina ilacakina yesi kaneajaas iboro ngul, konye ikotosi yesi aputokin kede luce ngul kere.

129 Cut bec nuabala Samuel. Ajaatar Isirael Ekabaka, ido arai ngol Edeke. Kosodete kesi atemar ebe, "Samuel, ijai ijo amojong. Osekikinai isio ekabaka, ikoto isio aputokin kede akwap kere. Ikoto isio da aputokin kede nuce akwapin. Ikoto isio ekabaka loeyangari isio ojje, ikoto isio ekabaka loejio ijiisiokosi." Ido abu ngin itakadik Samuel.

Abu ngesi kotema ebe, "Eong ayangaritor idiobore kamakus? Eong ayangaritor isiriginikus kamakus? Eong elipitor yes emong arai idiobore? Eong elipitor yesi idiobore?"

Ebalas ebe, "Mam, mam ijo ilipitor isio idiobore."

Arai ebalu, "Eong eneritor idiobore mamakus kotoma Okiror loka Ejakait dimarai bon nuitodolikin?" Biai ngin edolit? Ebalu ngesi ebe, "Akepolou mam ijaunete ekabaka ngol, naarai ebuni araun ationos nekus."

130 Kwana akoto eong angit yesi icebore, luka okanisa loka Branham. Iburit yesi apolour kiton araun ekanisa lokapolon kwana. Apedori eong ajaun awai ipak edit. Apedori eong alosit nenice. Etiono ajenun neanyaraari eong Ejakait; aticepak alemar awai kotoma aiboisit, aticepak ainyakar oisawe, aticepak enyaraari eong amodingot. Mam eong ajeni neebuni Ngesi anyaraar eong kiton neebunio Yesu. Akoto eong aingit yes icebore. Eong elipitor yesi idiobore? [Kotemari atukos ebe, "Mam."-Ekewa.] Eong elipitor isirigin? ["Mam."] Eong alimokitor yesi idiobore, kotoma olukumin luka iboro lualimonok eong yes kotoma Okiror loka Ejakait, konye, kesi apotu kitodolikin? ["Amen."] Akepolou mam cut ilomarete neejai erionget edio. Ekolokina kede Akirok naka Edeke. Kolomutu kotomakeng arai ijaas yesi tomakeng, kotiakaros kosodete aijaun Akirok naka Ejakait.

Ketulurwoto akwesiwok.

131 Edeke lokapolon loka inabin, Edeke loka Aburaam, Isaaka, ka Isirael, iyatak ajokis, Ejakait, neejai Aisiraret naetubutubo naabu kojai otauka adaun aojau, kanu aitodolikin neejaas ikanacan. Luipu noi kangul kokinga kangina, Ejakait, ejaatar kede aomisiot naaronon naikamunit eong. Eomitos kesi ebe akoto eong araut loetegelikina. Eomitos kesi ebe atamit eong araut loajeni kere. Alimokisi kesi itunga ebe engalai eong itunga, aitelekaarit kotoma akiro kwape kangun bala aibatisao naka akipi kotoma Okiror loka Ejakait Yesu, ka nuikamunito aur naka emun, amalayat nakapolon, ido kotoma ateepon kangun nuipu nualototo kinga mere kede idiobore konye kede Abeit namam emunaara. Ido elip eong kes ebe, "Kopotu ice kotoma kayesi kosodete aitodikin eong neadiakaritor eong, arai aingala arai aijul erono Akirok." Ido emamei yenitoduna. Elipit eong Ijo, Papa, kojenuku itunga lu ebe ejaas kesi atwakiar esawa. Elosete kesi aidar iapite do apak, arai mam kes ekwenyete. Nginidiopet kakesi...

132 Ejakait, ejeni eong nu ejok, ti ekatau ecila korai Naiwadikaere na komam erai abeit mamakang, nakibalar Ijo ebe, "Kere luainaki Eong Papa, epote Mamakang. Akamerekekin iirarete Ekaporoto." Akepolou, Ejakait, aomit eong ebe abeit erai Akabakanut kwape ibalar Ijo, ajeni eong ebe erai, itupusitai bala etunganan loabu kolemb ewoi kosodi alosit angolol, kosodi acakakin ewoi toma kosodi airiun ngolipone kere. Amamei, abunokin, agaria nuenyamete iboro luatwak, ajaas akolodong, asimokokon nuakipi, imunuo, nginibore kere yenabu ewoi loka Eijiri ikam. Konye awasiake, motimot, abu igar yenididi (craw fish) kobongo toma akipi bobo, abu akolodong konyou awai, abu emun oliaa kosodi abongor aipany naka orit, kwape ekingok neejai akelekan arai epege neejai ekebar. Konye ajaas agaria nukabeit nen, Ejakait. Ido kijaar eong ainapakin na naka aijen ebe karaida napekeroko ewoi edolokina kes, araas kesi agaria sek. Auritai kes, asekitait sek araut agaria. Ido kwape kwangin ewoi loka Eijiri da loecakakinio toma aisikwaruneta. Ijeni Ijo lukon Obe. Ibore yenikamunit eong, Papa, kwape ajenia eong, nges asalakin arai lomunot neejai Akirok. Ijo nges isekuni ebe anibo erai inyo. Ido mam eong ajeni idiobore adepar akolodong araun adoliait, kwape kwangin ekiliokit da arai etunganan, loejaas kede aki nuisikakina neejai Eijiri, mam emisikini Abeit. Naarai eanyunit Papa nu sek alingakin, ido isumunikit Ijo ebe kere nuabu Ngesi koinak ebe abeit Ijo abunore.

133 Papa lokotoma Akuj, elipit eong Ijo ebe ngitunganan yenepupuni Aisiraret na, ebe Aica naalimonokini toma, ka apolou nakijaar eong toma otauka neejai etunganan kwape keong, itunga luabu Ijo otwanik...Kosodi ikiliok ice kotoma kakesi kokinga kangina, Ejakait, bala kwape kotoma atukos naka Kora, itunga lukabeit, luingarenikitait erono, kede asupurunet nakalaunan kakaninikec, konye apotu komudiaros. Inyobo. Inyobo, mam ber apotu kopedosi karaida ainakin asupurunet naajai kinga naka akim alosit toma kede kes; abu koyangaik okoku loka Aaron, Eleasar, ailarun ngin. Kosodi aswamaun apaade kanuka etem kede ibinikan ngul, ibukui, kanu aitodiar, kosodi kanu araut aisiitunet naka ibore kangin yenaronon, yenabu Kora kotam aiswamaun erionget loimorikikina kanu aitepeg ekiyakia loka Edeke. Kolwanar ngin noi kanekosi, Ejakait. Koyua duc Emoyo Lokalaunan isio.

134 Isiyalamikit isio Ijo, Ejakait, ebe ekanisakosi, ibila yenalaunan. Ikar luipu kau, ikar akaisauni kau, abu eong akukokin toma aipany kane illeleba inya ka apalal, kasodete ititingikin aibosit na nekon, iduketait yen yenididi. Ido kangina kotoma oyekalu kangol ejai eperi aitapoet ngin. Naetodolikin cut bec. Eroko ejai. Mam kes elosete acilar ngin, Ejakait, elosete bon kesi ai...ejai amojong, ido elosete bon kesi aidar ngin koipone kalo aibwaikin adiopet kujuke. Edeke, koinak ebe Eijiri lo loajokan noi loiwadikao toma apapulai kane, kinyekik anyoun kokanisa nepecepe kiton neebunio Kristo. Nginimeeba, nginimeeba loka Akuan naka Kristo, eponito kesi toma ne anyoun kokinga naka akwap kana ka anatar akwap kere, kodum nginidiopet kakesi Aica, Eijiri, kosodi alosit kotomake kosodi adumun Kristo.

Ido koraun ibore ilopet ebe ebuni Akirok na aitodolikin, "Aswamisio nueswamai Eong, iswamaete yesi da. Ngin yenirari Akakiro, kosodi aiyuun Ngol lokejukuni, ejaas ka Aijar Namam Edaun." Ido nakelomuna Aijar Namam Edaun toma, euruuni do kes kotoma Akuj, ido itodiaros aswamisio nuka Edeke, naarai erai Aijar ngipengin najai tomaKe. Mam epedori aswam icebore yenegelara.

135 Aso, Papa, kinyekik ekanisa asipokin Aijarakec Namam Edaun neejaas asubanakineta, neejai erionget, neejai idiobore adepar Kristo Elopte ejari kotomakec, itogogongi Akekirot kotomakec ka Akesumunet. Anyoun kaneejai ikoku yenididi kane atibong na, kiton neejai itunganan yenemojongit kakere, kodumutu ejautene. Ido nginikiliokit arai aberu, esapat arai apese, naiirari ateepu na, ojaun kwangin kede kes, Ejakait, ido koinak kes amisiikin ebe atamit bon eong aikwenyar ka anyaraun kinga, naarai iapit apak na adepar kwape kiomitor.

Ido iseseni isio Babulon, toto naka nudotea, ka kere akepesur numalayan itukonokinos nepep. Edeke imisiikit isio ebe ebalas Nuiwadikaere ebe egitu kotoma amisiri naka akima kes ber egeere aenanar, kotoma abongena. Ido aenanaros kesi kotoma aibungena, konyaratos akecewat ikororia lueinyanakinete lumam cut kotoma abeit ebeito kes, mam erai luibecokina Ekanisa, da, eraas itogoi lueperio, mere ikanisan. Ejai ediopete bon kotoma kakesi, Papa, ido ngol nges loabu Ijo kotwanik.

136 Ido elipit eong, Papa, kwape kianyunia isio kes kere etukonoro kwana kanuka akim naka eboom neapie, elipi eong, Ejakait, ebe iinakini ijo akimait ailelebun ido alangiror. Koinakinai ngin, Ejakait. Kapooloros isio kasodete acaikin Aica, kasodete aputoor Yesu, "Arai mam Eong eswamai iboro luka Edeke luibusakininit Eong aswam. Akepolou emamei Eong Aijar kotomaKa. Konye arai kiner Edeke kosodi aitodiar Akeijar, akepolou inera do Ngol nuKeng elopet." Koinakinai ngin, Ejakait. Etingikini eong Aisiraret na neijai Ijo, ido ebe idar Ijo Ngin, kosodi ayangaun itomoneta luka Ilukumin, Ejakait, arai, kere idwekon luisekikinit Ijo sek neejai Eijiri. Kokiror loka Yesu Kristo, Loerai Akirot, Okirorike elipia eong. Amen.

137 Amina eong...eong...
Naarai...abu ageu amin eong
Kosodi aitac akaitajario
Okitoi loka Okalvari.

Alosi eong aingit aingiset. Imwaas bo ai atibong na kotoma osipan loetakani kane, luka itunga luka ekanisa kalo loibus looti, arai etogo loka itunga, atemas, kotoma aiboisit kana naka aima, luiyuunito kede ikecetaun kere, ebe eriakasi akoniijar kede nuipudai (ijo) nuka Edeke ka Ebaibuli, ido iyuunit ijo ebe, kanuka asesen akoniijar alopet, ka asesen eipone lokiswama Emoyo kotomakon, ebe iyuunit ngin Akirot koipone kalo iwadikaterere, ido ericit Ngin? Ijo iyuunit Ngin? Kisirereng Edeke yes. Idar Edeke Emoyo kotomakus.

Kosodi opaperok loka ateepu, korai ti ijo kongoliarite ne toma osipan lo atibong na, aomit eong nepetai akaisakanykaongon kanginikwatat luka itunga apotu ikiasi akecekanin kuju, ebe eyuutu kesi ido engicakinito Ebaibuli, (mere nuebala ekanisa) nuebala Ebaibuli, (mere nuebalas itogoi lueperio) nuebala Ebaibuli, ido esesenete kesi Aijar naka Kristo itodiara kotoma Ngin.

138 Ijeni ijo, kotoma apaarasia nukolo eroko ejauna ikacalak aswa, atapit ikatatak aswa airuk asabu kede enyodo. Aomit eong ipupunitotor yesi ngun. Eroko eloto neejaas luecalete, arukio nges. Ido esabu nges ibore yenelangir kakere elangir adepar asuat naenyaritai Lead. Aso eswamat eong aitetemonor adio, ipedori ijo alemun asinge kotoma aleles kotoma amodingot, kosodi aniina asingei ngin kakaninikon, kosodi do, "atwatwar," akutar koipone kangol, kosodi apua ka nginibore kere aporor awai, ingaroi, konye elangir esabu noi esalakini imakakina nen. Kosodi do nakilemuna ijo esabu ngol, ibelibelio kotoma apua naepol kiton neetukokina naepol. Ido kotoma aturio nuka apulak kwape abu kidiatunor, abu kodum elos ka nginibore kere, aswa ka iceboro kere inyalakina kede ngol. Atapit loeruki alemun alunguret naka esabu kosodi airuk ka aibelonokin, kosodi airuk ka aibelonokin ngol, kiton nges arukor awai agasia ngin kotomake. Ido ijeni ijo eipone loajenuna ngesi ebe alema ngesi agasia kere? Apedori ngesi aanyun ekeput elopet etakani kotoma ngol.

139 Ido ngol nges eipone iswamaikina Edeke Ekanisa. Erukori ngesi nginital kere, nginidiini, nginisisianakin naka itunga, kiton neanyunia Ngesi Aijaraka elopet itodiara kotomakon. "Arai mam Eong eswamai aswamasio nuka Papaka, mam iyuunete Eong." Ianyu? Arai mam nuebusakininit Ekanisa, Aijar naajai toma Kristo mam itodiara kotomakon, mam ipalari arai imameotor ijo atiting, ajokis, nu kere, ka angirikinit, ka-ka iboro, ka ayongit Edeke, ka amin naka enacane, ka iboro lu kere, luipudai kanukon. Mamace nuiswamat ijo, mamace arai ilulut ijo biai, ikanisan idi iloma ijo toma, arai ajul adi irupanakit ijo tomakon, mam iswamai ngin. Kidareu kiton cut kabeit, kotoma otaukon, ijo ipedori aitim, kiton ijo ajaun kede amin naka enacane kotoma otaukon. Mamace arai erwetunete kesi amasiribun adis kosiep ediopet, ipedori ijo aibelokin etinyo loce kede ajijim, itei ijo, kiton ajokisio ngun, mamace nuineras kesi neijai ijo.

140 Nakeinikinere edipaacit koreeteke kosodete ainom Nges kuju akou, ebalas, "Kwana, elimokitai eong ebe irai Ijo Enabi." Kwana kolemarete edipaacit akouke, kosodi ediopet kitingite ebela, atemar, "Ingaibo kotoma kasio inomit Ijo? Kodwar kosodi alimokin isio, kotoma koipone ece, iyuuni do isio Ijo araut Enabi." Mam Nges abu opuko akekituk.

Nakipuponio ijo enabi enyouni, loajaatar abongonokineta kere neejai nginingiset kere naitolomuni ijo, kiitu ebe, mam ngol erai enabi. Lolo ejaatar kesi luejenete nginibore, apak nailoso ijo adumun ariebo naka ikel ka apak nailosio ijo adumun ariebo naka akoik, ka nginibore kere, kosodi alimokin ijo kere nuikamunito

ngin. Mam ngol erai eipone loka Edeke. Kongic inabin, kongic Yesu.

141 Kosesen Paul, neapedoria ngesi aitumudak etunganan, kosodi acamakin eketatan aswa arukoro nges kotoma akwap, "Aomit eong ebe abu ngesi kotwania akepedor naka aitumudak."

Yesu, Loapedori aitajar lukatwak, konye abu kotema...Abu esirikalet loemera aimuikin aimul oreeteKe, kosodi ainom Nges kuju akou, koenikitete Nges edipaacit, ebala, "Kodwar kosodi alimokin isio ingai abu kinom Ijo." Ido mam abu kongaa Akekituk.

Mam iseseni iswamak luka acoasinei lu. Konye kiitu, inerasi bon kesi ebe, edola lokaronon inera ebe ejai edola lokabeit nenice. Nakianyunia ijo iboro luka eriongeta lu epoloete ido kojaas akerianar, kwape abalar ebe "apote aswamasio nuka akaninike akeriakar," kiitu ebe, ejai Ekanisa loka Edeke nenice, cut loilelebas kede Emoyo Lokalaunan, lokabeit, loejai alosit kuju naka amadala. Mam iseseni erionget loti.

142 Ekanisa lokaumokin ali ineritai kotoma Obaibuli adepar atur naka ekanisa loka Epeso? Ido naketorio Paul akwap naemukurur naka Epeso, kosodi abunore neejai ekanisa lo, ajaas kiliok itomon ka luaarei toma. Edolit ngin. Ido kes kere araas itunga luajokuka, ilulutos kosodete ajaun kede apak naejok, konye mam adumunitotor Emoyo Lokalaunan ber. Ebala Paul ebe, "Mam yesi idumunitotor Emoyo Lokalaunan anyoun nakiyuuniata?"

Apotu kesi kotemasi ebe, "Inyo, mam isio ijeni ebe ejai Emoyo Lokalaunan."

Ebala ngesi ebe, "Dobodo eipone ali ibatisatere yes?" Arai tope mam nges abu kitolom aitegelikinet, inyobo abu ngesi kolimok ekanisa ngol?

Apotu kesi kotemas ebe, "Idaunitai isio aibatisa ediopet kotoma otunga lokapolok luebwoitotor kotoma akwap, Yokana ekebatisan, loebatisai Ejakaitiwok. Mam kereka aibatisao ngin ilosikina?"

Ebala ngesi ebe, "Mam, ipa. Ejai bobo yesi aibatisao, naarai ipucakinitai Akabakanut neejai idiobore kere." Ido nakeirariata kesi nu...Ebala, "Ebatisai Yokana aibatisa naka aitoronokin, mere aisionio naka adiaakanareta, kinera nuka aiyuun Ngol loebunit kokau, nges, Yesu." Ido nakeirariata kesi nu, kibatisaunos kokiror loka Yesu Kristo. Edolit ngin. Becebec. Atupito kesi Naiwadikaere.

143 Ijeni ijo, koroma aitingikin atupuruc na, abu Musa kotup eipone lojaatar nuabu ngesi koany kotoma Akuj, kosodi adukun ewema aituput ngol. Neabu Solomon odukiyo eyekalu, nges (inyobo abu ngesi iswama?) abu kotup eipone loabu Musa, kede ewema, koricite Naiwadikaere kotoma okokoro.

Ido neabunio Edeke toma Oyekaluke kanuka apaarasia nukawasia, Eyekalu lo, Emoyo Lokalaunan, "ibu kitemok akuan kanuKang," abu Emoyo Lokalaunan kodou apaaran naka Pentekosit, arai aisiraret ebe, "Kitoronokinos, nginidiopet kayesi, kibatisaunos kokiror loka Yesu Kristo kanuka aisionio naka adiaakanareta, ido idumunete ainakinet naka Emoyo Lokalaunan. Naarai aisumunet erai kanukus, ka ikusidwe, ka ngul luelwaka, kere kwape kenyaunia Ejakait Edeke." Arai ikoto ijo anyara ejaanakinanikus ebe doctor, abu Emuron Simon Petero iwadik amukian. Ngin nges itangaleuni ekadekan.

144 Kinyek ice kotoma akorak ike lu lumam isisiatos kotamitos, kanuka ediini, aiwadik ngin koipone ece, ngin nges apolou ejaatar kesi...Ijenete yesi, arai mam ijo iyatakini e...iyatanakinete yesi nuipu toma aiwadikaet, imina ijo...epoison loepol, ipedori ijo aiar adekanikon. Arai mam ijo ibwaikini luilosikina tomake, ijo...mere kanuka ekato, arai mam ijo ibwaikini loilosikina, mam ebuni eswamaikin adekanikon ajokis adio. Ejeni emuronikon eipone loewadik amukian.

Kosodi Kristo, Emoyo Lokalaunan nges erai Ekewadikan loka amukian, ido abu Ngesi iwadik Ngin. Mam iyatakini neejai Ngin arai alemar awai kaneejai Ngin, iliko Ekia koipone kalo ejaar ngin. Erai Amukian kanuka adek. Kisirereng Edeke yesi. Yesi iminas Nges? Amen.

Amina eong Nges, eong...[Aiboisit naemamei ibore ateepeu-Ekewa.]

Naarai abu Ngesi ageu amin eong

Kosodi aitac akaitajario

Okitoi loka Okalvari.

145 Kwana kwape kiumuumor oni ngol, kwana ibelokin kosodi aiyogaikin kede eidunyetekon kanen. Oo, erai ngesi da ekaloton, itorit toma.

Amina eong Nges, eong...(...?...eumokina ngin noi.)

Naarai abu Ngesi ageu amina eong

Kosodi aitac...akaitajario..

(Kobua kuju toma okokoro lo. Eebo, eyalama, onaceka.)

Amina eong Nges, amina eong Nges

Naarai abu Ngesi kageu amina eong

Kosodi aitac akaitajario

Okitoi loka Okalvari.

Amina eong Nges, (awooto ngol kwana), amina eong Nges
Naarai abu Ngesi ageu amina eong
Kosodi aitac akaitajario
Okitoi loka Okalvari.

146 Kwana ketulurwoto akwesiwok kwap, agolokisi akonye, ekeutu awokokanin ka iwokoporotoi neejai Edeke kwana, kwape etitingikina eong yes neejai ecokon. Iyalama isio ajaut kede yesi ne. Mam oni irai ediini. Kijaar oni ekisil nges amin, emamei etal dimarai Kristo, emamei etabo dimarai Ebaibuli. Emamei emeebane; erai eidicane bon kotoma Aokot nuka Yesu Kristo nuilotarete oni kotoma amamus aiyuun kere.

Eebo, nepepe kere kwana.
Eong...eong...

Kisirereng Edeke yes. Kobongutu bobo kosodete aipejokin isio bobo.

Naara abu Ngesi ageu amin...

Eebo, ecokon. Yesi ikapakina? Kisirereng Edeke ijo.

Ido...



www.messagehub.info

Nuelimonokinit

William Marrion Branham

"... toma apaarasia nuka eporoto..." Apuk. 10:7